



1 4  
1548  
27



1548  
27



葵青居詩錄

勵存集

黃同叔丈

壽鳳

屬題尊甫薨圃先生問梅詩社遺

冊卽步冊中家琢堂師原韻

吳縣石渠梅孫

老成負夙望風雅垂家聲繁余到門晚未獲親平生披  
圖一椽觸懷舊無限情我祖與而翁曾結歲寒盟後先  
互凋謝零落拾餘英契好在昔年人亡交不更遺卷藏  
篋衍後輩歌載賡問梅梅無恙所慚鳴鶴鳴  
睇雲圖予從母之夫祝芷鄉丈為悼亡作也越今

二十年索賦感題

昭和十八年  
十二月三日  
購求

鏡臺一分手天際擁雲軒曹植洛濱賦襄王夢裏魂傷  
神空鼓瑟破涕且開樽為報重泉曉于今已抱孫  
我欲披圖看悲懷慘不支可堪題畫者正是悼亡時愁  
緒當年結嚴冬此味知寒雲方滿目何處話情癡

和張研孫鴻基夢經野塘見白蓮作

野塘一抹漾虛明花葉因緣夢裡成便是曹騰多變幻  
依然冷淡見平生文章不露才真絕色相俱空界愈清  
桂子無緣蓮性在好從白社證前盟來書有云桂花與我輩無緣  
淡月微濛水不波吟魂彷彿此經過託根本是塵難著  
傅粉還嫌色未和青眼如君真賞少素心似我別愁多

並頭那得頭同白唱到蓮儂喚奈何

題王耕畬士錦茂才望山圖

迢迢山前路鬱鬱山中柏廬墓有時返思親無日釋繪  
圖寄所思滿紙淚痕積始知陟屺岵生死無異迹展卷  
見孝思因之感先德尊甫人中豪稜稜撐傲骨鯉門先生名元  
辰以諸生吳三省案同時被逮者數十人事往者諸生  
白獨先生與馬焯袁仁虎遣戍士林義之獄庠序困羅織先生奮然興挺身當其厄陳東坐舉旆  
范滂冠黨籍義與雲霄並身為同袍屈豈但人子心霜  
露懷明發人望之所歸高山不可即

李藝齋僚壻悼亡詩題後

寒風吹折窗前竹，黯入孤燈人獨宿。未解當年失侶悲，  
淚痕乾處眉猶蹙。悼亡新什，倏傳來語，語語傷心字。字哀  
爲我愁深無自遣，知君腸結那能回。回腸百結心如擣，  
五載良緣真草草。蕭陸叨聯共袂，親芳儀我已聞之早。  
香闈少小，婉清揚阿妹，相隨阿姊旁。拜月分攜羅袖薄，  
穿鍼共引彩絲長。穿鍼拜月，休留戀先後，郎家咏鳴雁。  
寶馬香車，邈迤來萍花橋畔。藏深院，三月羹湯，手自調。  
融融色養，日方饒。布裙不羨羅紈，麗椎髻，還能并日操。  
罷操井臼，銀燈續鍼，菡蘭窗伴，宵讀和鳴，合比繡鴛鴦。  
百歲方長，嫌未足，一夕驚傷比翼羣。一朝唱出孤飛曲。

孤飛別淚灑西風，花已辭枝水又東。此際追歡歡盡散，  
此時引恨恨難窮。前年我自悲長逝，秋蟀春鷓，渺佳致。  
兔毫禿盡，麥光殘難訴，鰥魚無限意。聞說閨中念姊心，  
一編傳誦曾垂涕。誰知爐箠乍經年，姊妹牽連赴九泉。  
一絃一柱，華年數又見。君家錦瑟篇，去歲窮冬正飛雪。  
君曾爲我情淒絕，今歲冬來雪欲飛。我更爲君腸暗裂，  
同是閒居作賦人。那堪相對愁情說，漫把愁情眷別離。  
同林各夢境，差池花紅雪白。男兒在便是尊前，慰解時。

黃同叔丈與其姪飲魚 美鏞 移居乘馬避巷索詩

得七律二首

人境居然結宅幽一廛百宋想前修底須廳事能旋馬  
尚有奇書足汗牛彭澤素心饒隱趣稚川眷屬盡仙流  
北堂並喜春暉永笑口常開到白頭  
烏衣門巷落花香到處能成翰墨場交愛竹林如水淡  
地連槐市待花黃昔年曾讀移居畫今日重賡伐木章  
從此清嘉里居近好隨巢燕往來忙

題望山第二圖

一抹松楸望裏勻淚痕應共墨痕新不堪把卷今重讀  
我亦喬柯失蔭人  
芒鞋踏破幾斜陽歷盡巖阿路短長輪爾佳城能早築

河山一角鬱青蒼

蕉窗夢冷圖

繩牀經卷夢低徊多感檀奴序玉臺吹徹瑤笙人不見  
蕉陰依舊上窗來  
綠天深處慣臨池鬢影春風憶舊時此日可憐愁莫展  
抽來一葉一相思

陶宮保印心石屋

一德符昌運賢臣慶嶽生穀貽惟孝友世篤是忠貞都  
督源流盛長沙族望清碧蘿新畫本紅藿舊灘聲碩輔  
今開府先公此息耕書嘗親手授石記印心名鯉對叨

庭誥鴻儀叶國楨秋香攀桂籍春暖泛蓬瀛喜射金階  
策華簪玉殿纓奇才推李嶠佳句說韓翃冰向漕河禱  
文從蜀道衡

九重知素行廿載耿丹誠夔戀彤庭舞鷗閒白水盟  
眷深頻晉秩材大仁調羹自建江東節曾瞻道左旌羊  
君言慎密呂相度和平鹽法疏能鬯堤工靜不驚三江  
傳績茂萬口勒碑成宣室俄陳事單車亟啟行槐班依  
鷺序徽省聽雞鳴虎拜朝儀肅  
龍顏霽色呈

恩綸承處近世系述來明里志桑還梓年光蟀間鷓田

園欣好在堂構勉重營奉

詔新恩渥傳經夙感縈溫詞邀

帝聽佳話入廷評

聖度涵無外

皇衷鑒至情瑤章

宸翰灑銀紙

御香盈寵拜

堯階賜親從

舜陞擎千秋詩禮澤四字古今榮丹闕朝辭鳳青門暮  
鱸鯖兩行迴棨戟雙旆引歸程北路星占使南轅月耀

卿張來歡比戶寇借遂羣氓錦帶閒平政珠旗待閱兵  
鶴鵝軍欲簡猿鶴駕遲迎舟楫匡時切鄉關入夢輕山  
川雄楚地絃誦接吳城圖效文翁繪歌慚下士賡雲祇  
看奕葉長此毓奇英

飲魚自題其夫人李定之

慧生畫冊

清辭妙繪總成雙幅幅花箋小著行卻笑當年文淑筆  
留題幾見趙家郎

幾人豔說買春回筆底花枝頃刻開可怪入門常給爾  
不曾持得一錢來

貞婦王氏詞

蓬山天遠離鸞弔貞魂來往京江道三尺苔封護紫泥  
春風不長紅心草王娘義烈古來稀賴有神明爲表微  
閒向棠陰談軼事琵琶譜出泪沾衣婦家卻住丹徒地  
自小蓬門徵秀異讀史何知趙母賢聞歌每歎陶嬰義  
于歸早見賦桃夭吹徹求凰是鳳簫春色玉臺鸞舞鏡  
秋期銀浦鵲填橋入門漸識傷心味百計承歡歡不易  
好女方悲作婦難旁人偏識慈姑意前生應是孽緣深  
結得黃冠世外因阿姥那知憐白壁道人祇解擲黃金  
女貞每被罡風妬打鴨驚鴛朝復暮濁水難從淨土流  
暴雷莫測高堂怒頻通芳訊到妝樓可恨登徒抵死謀

飛絮儘隨新燕舞名花肯被晚鶯偷從此舅姑都不悅  
從此貞姬愈修潔曉汲惟容水鑑形夜眠不許風排闥  
大歸里黨爲銜冤小故蒸梨奈可援紫鳳頓看穿籠去  
蒼蠅還肆集樊喧孤鸞遽反慈烏哭羈雌便擬鴛儔續  
女志偏同鐵樹堅娘心枉是燈花卜經年掩恨守空閨  
淚盡閒階碧化苔忽地香車重促駕畫眉還傍舊妝臺  
殘更催夢秋燈黑何物蛇行到牀側穿穴徒勞黠鼠工  
絕裾還仗鷺鴻力仰天一慟恨如何顧此微軀值幾多  
九死忍教蠅玷壁半生已等雉羅愁來祇覺人間仄  
茫茫後路惟沾臆一曲酸聲黃鵠吟三生薄命紅絲石

腸斷羅衣手白縫蛾眉臨死計從容拚將蟻命酬夫婿  
偷得鳩膠自阿翁蘭香一霎塵緣絕銀蟾匿影蒼龍泣  
倩女魂方蛺蝶離有人夢正鴛鴦熱風聲肯使婦家聞  
奔赴惟言病莫名鵲噪鴟張情慣遁笞鸞毒鳳事難明  
是非苦爲羣言亂匆匆竟了琴堂案鐵索何曾逮羽流  
桐棺早見埋荒岸寶娥齎恨幾時仲里黨同聲感不平  
奇節自來天亦憫洗冤可歎吏無人攔街竹馬兒童笑  
烏臺恰喜周新到削牘方憂狀莫求覆盆誰信冤能照  
飛符一夕過江流漏網鯨鯢看坐收政肅豚魚多革面  
讞成鬼蜮只低頭邪蒿那禁風霜疾刑章早正鋤奸律



麥書居言  
白簡朝伸獬豸心  
赭衣夜飽蝥蟻血  
維持風化古懷存  
更聽陳詞叩紫闈  
激濁揚清王者政  
褒貞獎烈  
聖人恩降來芝檢  
青雲上豐碑  
突兀看相向  
黃絹誰題  
幼婦詞紅妝  
自表傳人樣  
冰清雪豔鎮  
千年青史  
他時合共編  
太息秀姑終  
洩憤還因劉  
寵不名錢  
眼中敢說  
循良少文書  
可奈多顛倒  
花縣但求狴  
犴清蘭臺  
慣畫葫蘆  
藁于公明察  
古來無快舉  
時時誦士夫  
按部聲清  
今廌服摘奸  
才大古龍圖  
自來賢婦多  
難及往事愁  
提震川集  
桃李方悲繡  
閣僵葡萄  
已報官衙入  
黑雲蔽日  
幾多時始見  
秦臺正獄詞  
俗吏但知營  
賂急幽魂應  
悵

復讐遞古今  
合唱傷心調  
官清所喜能  
除暴弱女偏  
知節烈扶大  
賢恍有神明  
告秋風芳里  
悵曾經何處  
高墳毅魄停  
一唱杜鵑紅  
淚溼不堪山  
色古來青

家祠在石湖  
越城橋之東  
今冬葺其旁  
室鑿壁設窗  
全湖見焉因  
摘坡翁句顏  
其室曰好湖  
山處落

成喜賦

故鄉無此好湖山  
卻有湖山一碧環  
分外光明窗四面  
天然位置屋三間  
漁村孤隱秋雲白  
祠南有塔影雙懸  
夕照殷靈巖塔亦在望  
何日移家朝暮住  
夢魂常伴野鷗閒  
故鄉無此好湖山  
坡老當年一遇慳  
溪姓不須因我改

數名未免笑予頑探梅客至春移棹寓讀人夾晝閉關  
無分南園能乞取結廬且喜隔塵寰

白題三十九歲小照

封侯豈是此頭顱四十年華過隙駒有限光陰消筆墨  
無聊身世託菰蘆不傳人口文焉用差慰親心病漸蘇  
倘約石湖偕隱去一船準擬檝頭租

此錯真如鑄鐵同仙山才到引回風敢誇猿臂偏能射  
強聿蛾眉總未工乾蔭竟摧傷李燮師資難得是揚雄  
人天一種酬知淚迸入思親痛哭中

那得金鍼度後生臬比謬擁竊虛聲偶然選石非關癖

隨分臨池豈爲名雪裏孤蹤憐野鶴花間巧語笑流鶯  
敢將恩怨分明說濁酒尊前且自傾

尋歡懶逐少年場室有琴書味自長世事任他雲變幻  
天倫容我日徜徉半間老屋三分竹兩代詩名一瓣香  
欲乞新詞灑珠玉羞將糠粃向風揚

戲題閨人二十八歲小影

小立亭亭笑欲呼眉痕鉤月上新圖玉臺賺得重圓鏡

莫向溫郎喚老奴

婦故爲予  
中表親

量鹽課米尋常事繡鳳描鸞未足誇卻記漁洋詩句好  
不教兒女衣蘆花

九轉丹成望眼穿無緣拔宅作飛仙青衫我已添蕉萃  
一種癡情又七年

一塔楞伽現樹端石湖煙雨畫中看他年若遂扁舟約  
卿製荷裳我釣竿

不寐

夜窗蕭冷不成眠病骨支離倍黯然添得庭陰蕉一本  
秋聲常滿枕函邊

病起示芝孫

一病荒涼百感生此身退步未分明世情豈必秋雲薄  
我意先爲落葉驚學不到家由志短人當失路要心平

夜窗燭燼言難了還聽歸鴻月下聲

寫懷柬飲魚

家業飄零仗一身那堪宿疾復逡巡全無意興惟餘懶  
縱有文章不療貧捫蝨敢談天下事登龍只讓少年人  
比來止酒愁難解賴爾交情似飲醇

雪中泛舟至石湖祠舍同毛珍亭妹夫農生家叔

省補漱六兩弟

冷氣逼孤燈寒聲裊庭竹竟夕如蠶眠重衾不煖足曉  
來倦未起老婢爲余告昨宵漫天雪紛紛尙飛落披衣  
急開門積素滿林木因鼓扁舟興呼伴相追逐數錢市

豚蹄移棹出城郭曖曖胥江渡家家門下箔兩岸悄無  
聲惟見林容肅飢鴉飛不高墨點團幾簇紅牆界玉帶  
微辨禪林屋疏枝忽添肥虬龍怒欲攫平疇白無際瑣  
碎露寒綠冒冷倚蓬窗奇景看起伏窗隙當紙闌頃刻  
畫千幅入門謁先靈舍舟橋頭泊煖酒累十觴飽飯興  
重屬虛樵齊高挂憑欄恣遐矚兩三漁舟外彌望惟漠  
漠山骨沒峻嶒一塔凌霄矗天上白玉樓疑卽人間琢  
吳中稱大藩生此庸非福誰知連歲荒瘡痍未全復三  
白兆豐年眼前轉窮蹙編茅支一椽積重恐傾覆便有  
隔宿糧過此將焉續我輩趁閒遊徧地看如玉安得箋

天公化作千鍾粟

有感

認是三生杜牧之綠楊影裏趁鞭絲春來一入揚州夢  
便到清秋醒不知

寄懷珍亭

款款深情一片持十年戚好比連枝多君曲突常參議  
愧我勞薪不任炊鬪酒最難當勁敵看山曾許結新知  
欲將情話殷勤訴近局招邀想未遲

徐吉人妹夫悼亡

撥上瑤琴曲不調頓教潘令髮蕭蕭前身豈解天花散

孝言居言  
弱質偏隨木葉凋大抵賢勞多命短全憑詩句當魂招  
繩牀曾下鰥魚泪可算知音話寂寥

清歌一曲雉朝飛十五年頭事事非齋奠猶虛元相俸  
淚痕莫上老萊衣愁聽妙子林間喚幸有佳兒膝下依  
新婦玉臺方聘得好留鍼線繫慈暉

鵞湖曉泛

澄波一碧漾朝暄柔櫓聲中靜不喧行盡清溪村落見  
此鄉合喚小桃源

子方涑生

天道貴大生人道重似續多男誠多累無子哀榮獨我

年交四十充閭尙空祝不繼商瞿蹤恐追鄧攸躅爾今  
居然生墮地嗶嗶哭我母色然喜歡聲動婢僕是時天  
雷雨條焉淨如沐親朋入門來賀我衣冠肅抱兒上高  
堂觀者如雲簇顧茲前景但覺心棖觸記我初娶妻  
踰年異象告方期掌弄珠旋見懷投玉奄忽七年間四  
女曼以育阿父待抱孫到此空盼矚阿婦常懷愁壽命  
隨之促迨我再娶妻轉瞬痛風木忽忽又八年蘭夢斷  
難屬爾今居然生爾生胡不速俗語記故老有子萬事  
足如我遇歡懷反增淚盈掬返哺今無時離鸞舊有曲  
徒作老牛愛犁罷一舐犢

游杭道中

朝來解纜趁南薰，纔過盤溪路漸分。  
一角吳山松萬樹，榜人指是太師墳。  
夾岸垂楊面面風，踏車聲徹路西東。  
舟行不比丹陽道，盡日泥山屈曲中。  
一路柔桑夾岸栽，暮蟬聲裏夕陽積。  
林間燈火星星上，知是前村新市來。  
炎歊攪夢不成眠，客況迷離一枕邊。  
曉起推篷挹西爽，青山齊供水窗前。  
長橋一道卧平堤，萬瓦魚鱗疊疊齊。  
買得新絲買痧藥

是鄉風物說塘栖

蔣陶谿天台策蹇圖

帽影鞭絲畫裏逢，桃花入夢太匆匆。  
漫言叱馭能忘險，節論詩情亦自雄。  
作尉何妨號謫仙，鴻泥蹤跡有前緣。  
而今驢背看山穩，更寫尋詩孟浩然。

秋晚過寒山嶺

一步一回翔，秋陰石徑涼。  
蒼松盤曲磴，紅葉絡危牆。  
天末已歸鳥，林梢猶夕陽。  
村農收穫好，稻把擔來忙。

游虞山

葵寄居詩

城形亘長繩山形頑若牛捫蘿入山腹萬壑而千邱同  
伴六七輩一例坐竹兜輕如小車騁幄幕張青油緇衣  
爲導師曲折視所由劒門何峭拔壁立風颼颼禪房探  
幽處名句工雕鏤拂水有山莊蒙垢弔蒙叟到處縱臨  
眺畫圖不勝收山僧具羹飯蔬筍逾珍羞愛茲山中寺  
尤愛凌山頭羣峰互起伏煙霧相沈浮微雨天忽暝啼  
徧林中鳩夕照絢西巖草樹清愈幽萬綠圍一身雲影  
衣上流好景恐易盡轉望路阻修前塵廿年餘約略覽  
一周山靈倘識我樂哉呼此游

劉礪香

徵

世丈以七十述懷詩見示奉和

鶴壽不紀年松姿古彌隋先生齒德尊丰儀清相肖我  
年十有七始識先生貌先生善屬文詞壇聲名噪子舍  
結文社摳衣就考校先生覽我文謂孺子可教棄瑕錄  
其瑜不惜諄諄告縱轡向春風聯鑣入學校劉石本世  
交新知更永好無何廿年餘隨身猶席帽後輩意氣闌  
先生愈兀傲腰腳從人鬪山水恣游眺鳩杖不須扶臨  
風自舒嘯有時簡新詩就我徵同調有時作小篆示我  
皆佳妙濛濛細雨中著屐忽逕造興至日再來迎門屣  
爲倒旁人不識翁謂翁何騰蹕迨聞年七旬益驚出所  
料始知魯靈光先生稱其號星昂逢朔易懸弧當及隲

一卷述懷詩平生自寫照老至筆更健心虛德益劭索  
和及賤子珠玉愧前導陰德素耳鳴諛詞焉敢效聊敘  
下交情追憶及年少庭梅甫著花未春蜂先鬧美意獲  
延年予卜勝杯琰

張誠齋課易小影

悟徹山僧夙世緣閒從兒輩玩義編峨嵋莫問前頭路  
卽論人間亦散仙  
橫海戈船拉雜中一腔熱血灑虛空華亭鶴唳聲嗚咽  
我亦前身徐閣公

題程雲門遺藁

雲門故習舉業誓不游庠不娶無何卒聘室倪  
守貞不嫁其表弟張雪樵撫其事裝成此冊  
高才多抑塞立志彌堅貞聞風起頑懦況乃夫婦情夫  
婦無一面恩義重死生遺草旣哀輯苦節亦光明異室  
而同穴千古留芳名

瑞光寺晚眺同飲魚研孫

一徑入寒翠頓教遠俗氛朋歡閒裏合秋色靜中分塔  
影搯殘照鐘聲暝暮雲僧寮茶話久歸路悵離羣

程序伯畫冊爲其弟子林少初

志鴻

女夫題和同

叔丈韻



省識丹青有替人莫教妙畫竟通神開緘捉塵時披拂  
我想當年段去塵

哭次兒方涇

豈是前生種孽緣塵寰七見月輪圓玉京未免趨朝早  
一朵芙蓉化碧煙  
急影殘年一病過春來漸喜體調和那知杏子殤依舊  
淚比樓頭夜雨多

病經一霎最難堪祖母青門信未諧何事能增堂上喜

偏教反袂哭孫男

時老母在  
二妹邵宅

命名嘉瑞話夷亭清叔高科姓字馨一紙平原投刺去

片時猶自寫方涇

宜男四十已嫌遲纔獲雙枝折一枝曾爲竹林腸斷處

雙棺又向石湖祠

鷺洲家叔年五十三矣  
一子甫十二以去冬殤

錦瑟當年引恨長閨人應未舊情忘憐伊襁褓無知覺  
別向泉臺認阿娘

和韻酬同叔丈

旣晴仍復雨天竟不相憐頓變凶荒歲况牽婚嫁緣菜  
根須耐苦米汁且參禪屋漏牀牀溼深宵未許眠

水災行

一雨不知止一止又復雨一雨二十日卽水卽是土舟

楫上橋梁波濤生門戶釜從高座炊魚可登牀數樓居  
危若巢穴處困於囿吳鄉本澤國至此水爲府工者輟  
其工賈者絕其賈農民尤可哀田疇不能伍插秧并無  
秧雖晴亦何補米價日以高窮民日以苦大吏瞿然呼  
循例稽文簿卜日議捐輸行當俾安堵記我墮地來水  
災凡三觀嘉慶甲子道光癸未吳中皆大水今災尤甚遠者甫童孩近猶詳  
所處天災本流行撫臣賴善撫我思林文忠今歸在何  
所

劉研青

廷楨

席上話舊口占

玉樹庭階傍大椿萱闡我亦慶芳辰與君異姓如昆季

同擷芹香三十春

宿九龍塢

山居常起早雨意迢遙天雲抹巖腰樹風沈屋角煙看  
碑苔淨掃覓酒竹深穿歸路聞琴筑剛添石上泉

感事

吳越分藩記廣陵豪情土水一齊興南園芳草年年綠

古墓有人窺漆燈

廣陵王墓在九龍塢嘉慶道光間鄉人盜其地畧盡吳中子姓發其事漸

反故地抔土贊石勒石表焉

副使猶名舊住街佳城忍便沒荒厓分明高敞行營地  
卧道惟存沒字碑

城東孔副使巷爲明孔鏞故宅墓亦在九龍塢前數年幾爲鄉人夷去以

葵青居詩

七

認得保而墓碑  
磨盡無一字矣

### 展毛氏家祠

行到禪關路盡平  
空山廟貌仰重營  
英靈自古無生死  
忠義於今見弟兄  
隔竹嵐光當戶綠  
過牆泉水入池清  
莫言此地嘉魂魄  
青史常垂身後名  
始祖毛吉死事粵  
西有附魂還餉事  
見湯文正明史藁  
維張明錦衣衛經  
歷死甲申之難見  
明史紀事吳人殉  
節者止維張一人  
祠有湯文正匾弟  
爾張諸生聞國  
變縊死于祠

### 下堯峰

山行不知處一徑踏寒綠  
古寺渺何方微辨林間屋  
屋小不容佛金身幾卷曲  
閒庭卧廢鐘款識粗可讀  
鐘為  
明范

允臨同妻某  
氏捨以祈嗣四望無房寮  
當階空躑躅荒落來幾年  
誅茅待重築初地不饜游  
振衣上層麓

### 中堯峰

行行步漸高鋪地徧短松  
山勢平而曠山形廓乎容  
置身疑絕頂盤紆仍數重  
果否避水患堯時登此峰  
邈迤歷山脊石塔峙其東  
何來睥睨狀卽之迺垣墉  
其中無一樹殿宇更空空  
徒留盤蛇勢百丈任橫縱  
聞昔全盛日萬履隨鳴鐘  
一自建茲塔敗如擗隕風  
埋骨雖有地僧侶逃無蹤  
主僧葬塔中塔旁石  
坎四為大眾叢葬所欲叩  
風水說來往無人逢感此  
重眺望白雲回首封

上堯峰

上方何處所乃在山之陽峰回露寺宇林木鬱清蒼拾  
級進山門曲折循回廊雖無金碧相修整自法堂老僧  
年九十病鶴同疏狂茶罷試隨喜層層啟雲房高陵何  
突起齊語殊荒唐出門瞰太湖咫尺見汪洋萬頃祇寸  
碧煙水接混茫臨風一長嘯山鳥為回翔游倦動歸興  
夕照引路長

龍門

龍門高百尺壁立何聳峭天風折之回化作猿聲嘯盪  
雲勢若傾搖搖日光照對面萬界空下瞰臨深淖游人

坐竹兜窄徑行恰好天壤奇險境豈必蠻荒徼日夕虎  
邱濱此山人不到

病起

漸除魔障病重蘇抱影樓居一事無舊業久荒輪蠹飽  
新交已定學禪枯何來故鬼隨新鬼巫媪語可笑  
近始知之 尚望  
今吾勝昔吾磨折經年身未死阮生不信困窮途

適適吟

壬子元旦

巽方湧現海雲紅曉日臨窗積雪融兩字恩榮新貢士  
一堂拜讓舊家風尚餘逸興能尋樂只少奇文為送窮

老母七旬兒十歲病蘇差幸未成翁

將赴北闈試連夜夢故友黃飲魚勸行

行藏不定幾低徊憂憂愁心付燭灰偏是死生交莫逆  
幽魂勸到夢中來

北上述懷留別故鄉諸親友

春風催我上行舟無限離情逐水流長路三千方縱目  
年華五十已平頭明知入世成何味漫說登仙在此遊  
天末歸鴻同北嚮輸他能作稻粱謀

此行忍比絕裾逃多謝良朋計畫勞黃同叔丈  
存詩阻行惡我豈  
能投藥石欺人最苦用錢刀艱難門戶憑誰恃閱歷關

山亦足豪說與高堂休倚望他鄉未敢久遊遊

秋心卅載歎飄蓬努力還期晚蓋功下士求名懷夢草  
男兒作計可憐蟲故交日下圖歡會稚女燈前話苦衷  
最是山妻知別恨悄無一語倚簾櫳

紛紛祖餞感親情憐我衰遲事遠征病久原知安逸好  
飢來看到別離輕空嗟老大無長策敢信文章有定評  
此去背城拌一戰但留餘地待歸耕

與黃同叔徵君話別

卅載知交忽遠違欲言不盡但依依窮途笑我枯魚泣  
息影輪君倦鳥飛丈舉孝廉方正  
科辭不赴考敢說行藏原異轍每

慚得失未忘機相逢他日應相傲曾向江山覽勝歸

哭女夫林少初六十韻

游雲擁炎轡火繖凌空張一紙颯然至冷氣生虛房執  
書未卒讀眼昏舌亦強林子我快婿儀度美且揚天性  
篤孝友筆墨皆成章一朝遽物化夢寐驚倉皇顧茲慘  
心目聞信況他鄉含淚惡乎哭旅館淒以涼隻身羈塵  
網安得凌風翔記我初識子始自江夏黃少友相追逐  
進退惟安詳讀書頗聰俊世務知其綱黃丈爲我言是  
子洵嘉臧聞君方擇壻此可副東牀因之結絲蘿準備  
女兒箱殷勤來奠雁門楣生輝光相攸如韓樂嘖嘖口

齒香日夕誼益親相持復相將我性喜淡宕子亦樂徜徉我愛山水遊子常一葦杭師子以畫宗立雪舊門牆  
識我之所識老輩相頡頏亦能自取友意氣爭激昂餘  
藝資探討種種窮毫芒問子何所好饜飫非膏粱愛於  
梧葉下風雨聽鏗鏘風雨何可聽斯言大不祥違時嗜  
蕭瑟處境恐有妨如我且五十猶未敢頽唐春風挂帆  
去京國馳康莊東山鬱蒼翠河水瀾汪洋花光今滕縣  
雲氣古芒碭連橋環十二趙北口隄防輪蹄蹴犖車  
聲轉回腸他日記遊圖惟子畫筆良那知胥江道一別  
成參商計子撒瑟辰我方處歡場迨我得子耗弱草久

支書序言  
罹霜去年我臥病調護感多方子今病且死執手曾未  
遑聞子初染疴纖疾起疔瘡疔瘡是何物促子以天亡  
睠言懷我女六歲失其孀既嫁得所天我願差可償所  
天忽頽傾忍死定披猖山妻來視殮勸解應在旁曾否  
呼阿爺相隔路阻長作書與我女敬斜不成行名心留  
萬一遺墨宜收藏幸哉已有子上可慰高堂高堂雖可  
慰我念轉傍徨往者序老書一言記勿忘冰清與玉潤  
惟君兩相當冰清方多愧玉潤倏摧戕誰歟資以老百  
感滋茫茫家人恐我戚不惜寄書忙體此且寬解觸目  
重增傷古硯端溪石佳筆紫毫銚是我出門日一一助

行裝詩成硯亦枯擲筆呼彼蒼

題程紫荷蘇臺話別圖時余將南歸

幾多朋輩悵離羣我在天涯快遇君孤館乍聯今舊雨  
浮蹤又指往來雲料知吳市縈歸夢未免燕臺戀夕曛  
他日春風如有信一龕香雪共論文

歸家

離鄉八九月來往六千里昨宵報罷信先我到吳市上  
堂拜阿母阿母遽然起喜極反無言將兒周身視稚子  
出塾迎山妻呼湯水有弟墓祭回相見彌樂只我生習  
鄉邦遠遊自茲始客裏苦思家過歸庶知止高官奚足

榮不如奉甘旨一室聚團樂不第亦已矣

苦旱遇雪志喜

吳中夏苦旱聞信嗟咄咄經秋返故鄉乾晴又累月豈  
無雨溟濛時下亦時歇坐是地脈枯舊井不能濞城外  
運水來首尾船相接載水舟忽阻載舟水先竭擔水入  
城闈擔糞出城闕我我閭門道垢污交衝突流民自何  
來鳩形兩旁列救渴已無方救飢復何策訛言況四聞  
憂愁不能說北風颯然至同雲暖空積飛花大如掌俄  
焉彌天白春疇滋灌沃疾病暗消滅得茲勝時雨城鄉  
俱歡悅因鼓尋梅興出郭縱步屨來往不逢人隱隱見

鶴迹問爾豐年兆何似堯時雪

歲暮東郭生春齋

日煦

雪花飛影灑窗虛綠酒紅燈意自如可記征塵低首撲

西風茅店夕停車

君因歌曲感人琴我為黔婁抱恨深可記春明相聚處  
夜燈慰藉互關心

膽瓶齊供歲寒枝早晚椒花進頌詞可記斜陽篷底坐  
水程相數到家期

少初以團扇索書置之篋衍未有以應也今秋檢  
得去其沒時篋爐再易矣感書三絕付我外孫



團扇光陰落照中追歡不隔路西東  
下筆空攀挂劍風

鴻泥舊印記京華欲寄相思去路賒  
寫就羅紈剛入手

一輪圓影又空花余在都時曾以團扇索書畫於顧子山此部播星齋侍郎寄贈已不及見矣

矣

淒涼舊館易黃昏棋局拋殘鶴不存  
弈鶴館少初齋名 祇向秋

風幾披拂女蘿深處替招魂

視芝孫弟葬述哀

獵獵西風幾白楊麻衣曾此其登場  
忽傳蒿里歌三疊又灑荆枝淚數行  
隻影何堪來執紼芳春猶記卧同牀

從今生死悠悠隔兄在孃旁弟父旁

先向泉臺問起居廿年心事最愁余  
多才薄家居老

便是親存祿養虛一昔泥痕鴻渺渺  
三生夢影蝶蘧蘧

九原嫂叔如通問嫁女今剛勅斷餘

雜詩

牆宇高連雲鬱鬱誰家宅中有金銀氣  
主人善居積奇

贏有深算歡讌無良夕壽命不可知  
厚貲忽焉擲豈無

子與孫先殂斬其澤族屬議承嗣大殮  
七日越西家有

寒儒家藏惟書冊同時歸大化有子慎  
易簣喪禮雖未

治呼號盡悲戚以此兩相衡孰得而孰失

虞舜稱大孝頑嚚無諱詞誰歎阿家翁顧乃躬蹈之豈  
知瞽雖頑亦有底豫時胡然毛裏近痛癢竟不知聞爾  
爲人子未必道無虧一自爲人父迺爾煩苛爲孝養原  
當盡忠恕亦當思所以古人語中道爲維持子與子言  
孝父與父言慈

深屋熬爐火狐裘黑貂冠美酒日再御啟口猶言寒侵  
晨踏冰霜單衣不掩髀日暮肩擔歸亦惟言寒耳此理  
我不解欲起問諸天天容慘不語朔風烈如前

秋晚寫懷

自笑謀生拙終年仰屋多量移脩脯入立限米鹽苛活

計蛛牽網奢心鼠飲河囊空翻芥視放眼且高歌  
自歎衡門下科名一第艱酸聲篷底雨殘影馬前山失  
意無南北浮蹤誤往還文章憎命薄掩卷淚潛潛  
自悲蒲柳質憔悴近如何苦李途邊棄勞薪爨下過晚  
蠶絲易盡秋蝶粉無多稅駕知誰是駸駸馬下坡  
自喜年過艾猶爲膝下兒良辰游覽日深屋笑言時吉  
語人爭壽婆心佛並慈夜燈書小字目力尙堪支  
自幸閨房裏曾無詬誶聲事親能佐我嫁女最憐卿門  
內條條事燈前脈脈情明朝空乏語不敢向余傾  
自慰宗祧念駒兒漸長成祀先能繼拜謁客每隨行應

許書香接還防稚氣生明年攜取去孤館伴燈檠

自傷同氣少一弟竟先祖淚漲秋江雨魂飛故苑梧弟以

避難沒於吳聯牀塵夢幻問字夜燈孤別有愁情結遺

江同里鎮雛受教無

自思無計出有妹在天涯苦趣籠中鳥浮根鏡裏花妹

男皆不育北風音久斷歧路看多差何日重相見扁舟早到

家

自痛身孤露回頭二十年遺音書卷索哀思酒杯填菽

水何曾養箕裘豈曰賢吳山邱墓在歸路滿荒煙

自憂承世澤門戶半凋傷但覺財源塞翻添喪算長春

花都著雨秋草易經霜所幸猶親睦相期舊業昌

自惜平生友先秋已半零同歸頭未白欲哭草重青緣

盡歡難縮思深夢不靈棋聲消舊館還怕壻鄉經

自念江干客音書斷雁賒冬烘仍苜蓿秋水自蒹葭此

日離羣感當年雅集誇本來歡樂短聚散悟搏沙

前詩意有未盡復成八律

自愧百無能虛聲謬見稱何曾文繡虎未免紙鑽蠅畫

併難供食吹齋況誤懲尋思無一可薪火覩傳燈

自疚心中事難為范叔貧千金自高誼一飯亦前因父

老誠憐我英雄已笑人不須論冥報感愧是真情

自悔蹉跎過頽然半百身十年書未讀一錯恨難伸酒  
醒空尋夢花殘不算春及時須努力過此枉艱辛  
自勵還思補端居未許寬猶然存一息何以答三餐立  
志惟磨硯完名在蓋棺卽今閭巷士晚節保全難  
自信成閒散樗材有一優張公書百忍衛玠豁千愁閉  
戶惟通燕隨波不狎鷗黃齋饒食料未敢慕珍羞  
自遣還多興閒來意灑然揮毫時學隸得句偶成篇磨  
琢青田石箋疏白水泉竭來移棹去權作石湖仙  
自憶經行處長安去去程曉霜游子服美酒小鬢爭坦  
坦遵鴻陸峩峩仰鳳城平生居僻陋到此氣縱橫

自解多堪解何勞戚戚爲吾生幾兩屐世事一枰棋鴻  
雪空留印狐冰漫見疑尊前且尋樂小酌菊花卮

消寒雜詠

漫空霜氣逼庭除袖手窗前懶檢書籬落晚來風更緊  
明朝節信小寒初  
借得晴光半捲簾硯池不耐朔風嚴臨窗纔寫黃庭帖  
一管霜毫已折尖  
鬪酒喧呶早不勝清宵少飲已曹騰莫言量窄渾無辨  
風味當筵愛紹興  
趁著三杯酒半醒睡鄉近自醉鄉迎重重蝶夢忙如織

醒覺譙樓尙四更

五十年華未便衰且將肉食自嘲詆方冬何物能溫補  
日日羔羊入饌來

共說時添一線長檢將叢稿幾評量呼來午飯餐初罷  
鴉陣啞啞又夕陽

蕭齋景物鎮清幽冬冷無花也著愁借得南窗朝旭暖  
瓷盆日曬水仙頭

冰寒奈爾石交何小印紅泥什襲多攜得張銅爐在手  
煖烘烘地幾摩抄

苦吟不覺月痕低憐我宵深凍似泥一兩煖鞋新踏地

先冬手製自山妻

盼到同雲興又孤昨宵雪未滿庭鋪燈邊羣季曾相約  
一葉明朝泛石湖

乙卯除夕

依舊風光夢一場偷閒未得敢看忙

趙凡夫除夕至頭山塘謂爲看忙

顧早付磨人墨口數誰羸隔歲糧亂疊春聯兒學字新  
開冬釀婦稱觴本來利市親懽喜次第筵前祝壽康

題宋銘之

志沂

祖庭課讀圖

豈但分甘念舊恩一燈課讀記黃昏通才自昔由家學  
孝子從來有順孫眼底范喬遺硯泣胸中丁顛古書存

枝頭消息傳紅杏次第春風到華門

戲效石湖居士六言四首

蠻觸何為起鬣熊魚不可得兼世事橫生枝節人心痛

下鍼砭

未必往而不來莫教文過其質心腸三沐三薰冬夏一

裘一葛

一春醞釀何花萬事消除惟酒人語只將毋同世事多

莫須有

鼻觀微聞胎息牙關牢閉舌根彼此讓開一路禍福認

清二門

消寒雜詠

地爐

正中位置自天然式似銅盤火滿燃密室風光人促坐  
大家氣象客開筵時來炙手矜光燄運轉灰心怨棄捐  
一樣名門留故物寒儒常得擁青氈

湯婆子

團團悄向被池迎熨貼宵寒好夢成奔走幾人憐僕僕  
溫柔似我得卿卿聚頭每愛心腸熱抵足真堪肺腑傾  
只恐春來易捐棄秋風紈扇共傷情

火硯

硯池頓化墨痕膠頭腦冬烘漫獻嘲暫作火攻從下策  
且隨石錯結新交鑠金氣燄歸溫潤鑄鐵心腸耐炙炮  
勝似朝陽窗外照纔經解凍又輕拋

風兜

宛然絳幘效雞人巧樣彎環出手新每共登山隨杖履  
不辭行路冒風塵蒙頭轉覺鬢眉古相背難窺面目眞  
惜爾稱名乖典雅閨中偏有浩然巾

冰豆腐

屑豆熬成軟若絲重經洗鍊沃湯泉餐霞骨相清偏瘦  
翻水文章腐亦鮮爲抱冰心耐咀嚼別添風味勝肥羶

淮南舊製矜新得饒似東方也溜涎

冬菜

撥盡菘心與芥臺瓠頭又爲御冬催英雄末路攜鋤去  
志士清齋人饌來雪裏春回香半冷酒邊人渴玉盈堆  
冰壺合作先生傳肉食朱門愧此材

徐節母詩

陸氏女徐家婦十九賦于歸二十所天故悲愴誓欲身  
殉夫舅姑堂前哭相呼吾家累世積忠厚未必天心絕  
根株汝今有身且忍死一綫之延盼遺孤況我二人日  
衰邁熒熒朝夕誰持扶婦跪而言敬聞命誕彌厥月果

生雛生雛鞠育幾經年阿翁棄養歸窮泉典衣質釧營  
喪葬戚黨同聲皆曰賢苦志彌堅貞精神暗凋傲守節  
廿三年卒時四十二柏舟誰作歌彤管未及記有子有  
子孝思長平居念母常悲傷隱身闈闈無達識流觀載  
記因激揚牀前遺訓忍追述得請遂以達

天閭晦之十年一朝顯歌詩作畫欣昭彰吁嗟乎古來  
苦節知多少寒衣敗絮朽蓼茅檐葑屋安得皆周咨  
阿母之節賢嗣能旌表

送陸稚松沅需次浙中

故園寂寞閉煙蘿一路郵程聽棹歌何處清陰堪避暑

吳興東去女桑多

淡羅衫色浣微塵畫舫曾來泛早春爲問沙汀舊鷗鳥  
西湖長近署何人

喜君妙筆擅荆關近局招邀此又慳他日西泠秋色裏  
爲儂先寫好湖山

徐青籐吉慶圖同覺上人

憂石何須奏九成鏗然一杵付孩嬰騷壇瓦釜雷鳴慣  
似寫當年舊主盟

幕府多才讓酒徒醉中筆墨未模糊殿前白鹿傳嘉頌  
合有人間吉慶圖



徐稼甫立方徵君秋山菊隱圖

秋林深處閉柴荆花滿東籬酒滿罍大隱何妨在城市  
高官已早薄公卿幾人歲晚矜奇節昔日文場記盛名  
同是師門感知已西州重過淚縱橫謂家琢堂夫子

題畫

疑雲復疑火晶盤堆顆顆楊妃倘嗜茲即是他家果楊梅

花村曾買酒花盡實離離嘗徧枝頭果牧童知不知杏子

蠟兄挾金彈側身翳樹杪天末晚風生驚起投林鳥枇杷

把

名園百果滿此品吳中無日啖三百顆口福推大蘇荔枝

歸來

望裏蓬門近行行欲暮時在家常似客入室尚稱兒每  
惜燈檠短渾忘漏鼓遲歸來多笑語此樂信怡怡

題上虞徐辛穀象田詒穀圖

何處栖高隱名山有象田神明猶舊宅耕讀此家傳風  
土宜今日雲初感昔年南明先澤在為爾一流連予家先世

籍新昌為君鄰邑

齊壽古寺

一昔聞名久相逢不費招來看吳苑月同泛虎邱橈以  
我嗟頑鈍期君替琢彫披圖更欣喜眼底挹清標  
定思近藁

鄉居書憤

憂極不知苦痛極不知創謂天柱蓋傾明明日有光謂  
我身已死的子在旁洪流一橫決無土能隄防浮雲  
忽已暝火燄燭崇岡晨寢未及展礮響盪繩牀平日讀  
書史椎心兵革傷劫運五百年躬親罹其殃東南財賦  
地蕩作荆棘場生民千萬億甯靜無一方國計而如此  
家計又焉望

阿母垂八十年高體猶健不言食不甘不言居不便但  
問幾時歸太平倘及見阿婦進膳罷背地起長歎此歎  
我亦知言之徒心亂樹靜雖無風備豫有深算六十遵  
歲制及今無絲寸將伯向誰呼親戚絕音問就中有諸  
女俯念尤心眷貧士度日艱奈此兩逃竄我已心力疲  
兒豈勝負販眼前將不給遑論支歲晏回首望鄉間先  
壟更路斷老屋間尙存采樵誰能扞一動百念隨一念  
一飲恨吁嗟勿復道且其享麤飯

出門欲有去去去又何營是時交仲夏四望彌青青野  
老爲我言二麥已畢登桑麻日已長新秧益滋生兵塵

倘不到定卜好收成我心淒以念願爾遂躬耕所恐波  
浪起山川猝沸騰雲霓苟失望雨露亦何情歡言轉滋  
戚別壘重行行微聞詬諄語爾等本居城胡爲亦來此  
向嘗鄙鄉氓途窮遭白眼口舌豈所爭急陣忽焉起白  
日又西傾歸去際無語聒耳亂蛙鳴

林氏女聞余母妻具喪自相城挈一幼子一婢孥  
舟蹤迹至坊橋展予蓋未知予移家也越宿再至  
口占嘉之

何處歸甯更有家掀天風浪一帆斜女流也有黃端木  
刀戟叢中訪阿翁

乍見猶疑是夢時別來身世幾嗟咨阿翁病骨酸寒甚  
恰有羊裘一領持

辛酉八月始聞史氏之變距女沒時已踰載矣感  
而賦此并悼邵氏女

亂後家家感別離經年消息未曾知那堪傷逝牽懷日  
已是黃泉待母時

一夫一子并摧傷斲盡根苗更不長猶記同堂登四代  
親朋齊泛碧霞觴皆在鄉被虜女以傷心致疾越十數  
日卒一子旋殤翁亦沒於鄉史氏累  
世單傳太翁年登七秩及見  
四代今惟孀姑稚女僅存  
爲觸新愁更淚零召平夫婦並幽冥比他小妹同無命

兒在還堪盼甯馨

阿母當年遺四女今朝一半似花菱  
世間說甚門楣重祇博衰翁哭女詩

歸葬

惻惻復惻惻我心中夜亟哀哀我阿孃  
隻棺翳叢棘黃茅蓋幾重  
白板未及漆獵獵刮地風烈烈薰天日嚴霜  
及愁霖多恐恣侵蝕寢興一念此旁皇  
驚忭惕纍纍諸眷屬下逮妻與姪  
權厝各經年棺薄尤難測曷爲久滯  
淹反葬苦無術喪算重以長道路梗且塞

道梗日以通且泛申江權慨言親戚家阿母有遺鈔古

人重備豫遭喪用是效一自經喪亂呼搶窮無告及茲  
識其居襪被乃徑造所親亦凋殘相見互相弔款我意  
良殷具貲一以報別有至戚友致賻重慰勞得之爲有  
財予心於焉悵

有財予心悵幹事乃益堅焉知風水說去去莫遷延明  
當駕小舟直到墓門前有弟爲我言此事尙慎旃雖非  
求利益妨害終未便君身不自惜化者要妥眠今茲月  
在亥相去一月寬太歲應避位息心待大寒

大寒云已屆啟行從此始挈我子與姪攬我衣與被混  
泥淞江潮曖曖坊橋里坊橋舊寄居經年曠展視撫棺

一長號淚珠落未已道路忽傳言捉船到處是大船匿  
深港小船停淺汜道險不可涉大事豈中止

中止安可得一舸走山塘假仁實罔利言有善舉堂但  
求我事濟深入莫敢違任重覺身輕兩舟慎載裝數里  
一要津因此索錢方道長日苦短暮宿投荒莊一餐甫  
下咽終夜心茫茫

茫茫欲何之前路石湖祠入門一慘戚老屋半傾欹幸  
茲粟主存行篋載之回亂流舟徑渡繫纜前溪隈連步  
上邱壠尚不失舊規引緼亟下窆抔土倏成堆以次逮  
親屬各各皆掩埋雖云葬者藏胡乃簡率爲時命一至

此泣然雙淚垂

一雨天亦愁拭淚淚復續同宗八九棺橫縱祠旁屋嚮  
爲人事阻欲葬幾退縮睽茲載具來塗泥交馳逐族葬  
無閒田各從其親屬十載委塵埃一朝安山麓歸舟心  
差慰卻念同胞叔生無力借逃死復罹慘酷一棺隔重  
闕荒寺寄幽躅豺狼滿路衢百身苦莫贖何日正邱首  
一寫我心曲

對雪

對雪如對月歡戚隨人遇北風一何涼愁思若爲助河  
冰高且堅阻我山塘路山塘那可居白日鬼怪顧甫里

亦何樂幽潛如我錮去住理一齊遲歸了無忤所恐馬  
鬣封版築未堅固

感懷

記得高堂分歲筵兒孫環列祝遐年今宵飄泊知何處  
家祭曾無一拜虔

山塘除夕

咫尺山塘路今來萬里難況當除夕過竟作異鄉看兵  
燹留餘燼粉榆失舊觀一樽茅屋底此味最辛酸

壬戌元旦

劫灰也自轉青陽見說三吳第一鄉百世可知遵夏統

元年有紀冠春王分明快雪從人望依舊新晴卜歲穰  
只是難求乾淨土凌風願逐北鴻翔

人日虎邱偶眺

勝地全成瓦礫場晴光瀲灩轉蒼涼城春彌望榛蕪滿  
何處題詩寄草堂

貝潤蓀信三

將往洞庭枉顧話別卽和見贈原韻  
去歲清談曾有約相思相望白雲間喜君冒雪褰裳至  
正我登邱荷鍤還享客久虛樽酒設思親空憶綵衣斑  
不將私恨從頭訴只道傷時損舊顏

洞庭魚鳥鎮相親依舊還君物外身無計家園尋故土

潤菴自號桐橋漁隱  
別墅有亭池之勝  
有緣筆墨付閒人  
新詩告別將消  
夏舊雨重違忍討春  
已是途窮尙株守  
回頭應笑翳浮  
塵

六十述懷

千戈滿地逼殘年  
忍說巢傾尙瓦全  
四代圖書皆糞土  
一門骨肉半荒煙  
子身欲入無遮會  
故國眞成大漏天  
好是金閨歌舞地  
蠻風吹作陣雲連  
淮張竊據又今時  
無路高翔困一枝  
我祖豈知王氏臘  
何年重見漢官儀  
紅羊劫運終須盡  
烏鳥私情已恨遲  
若使時和遂頤養  
八旬壽母六旬兒

立馬關門曉霧開  
也曾揮手上燕臺  
中年絲竹尊前淚  
上國衣冠劫後灰  
幾輩營營緣底事  
諸公袞袞信多才  
草茅莫道無臣節  
我亦青衿食餼來  
盛年慣作嫁衣裳  
顧到空機觸手僵  
營利欲同蠅計較  
安巢賸有燕商量  
三生未卜緣先斷  
五岳能游恨轉長  
新婦入門姑去遠  
祇從牖下奠羹湯

示子涑

陸生已罄舊裝金  
末路生涯在自尋  
但得常時念弓冶  
便如每事下砭鍼  
後歸應識勞吾望  
他日還期見汝心  
一束牀頭好收拾  
亂離書帙半消沈

歸葬再紀

我心猶未夷解其憂者有阿宜我力不能就執其役者

有延壽子每以胞叔未葬為憂姪方珪亦亟就子謀葬其祖因遣兒子方涑同往遇有舊識得引入城

購柩一棺虎穴城西頭今朝馬鬣歸山邱哀哉同棺兩

烈婦并俾同穴表千秋弟禮賢繼婦沈禮儉婦屠皆死烈同棺斂並購之出城買地葬

焉孫能葬祖憐其孝兄分弟勞差足報死生叔姪別經

年幾時酌酒墓門前

謁甫里先生祠

散誕江湖世界寬千秋魂魄故鄉安天隨自適生平志

補闕何榮死後官思到菹鱸遙至契聯成梅鶴與同歡

高風留得荒祠僻四望妖烽此尚完

八月三十夜

月光蝕盡團欒魄漏鼓敲殘破敗聲蟋蟀似憐人不寐  
牆根伴語到天明

將由甫里遷鵝湖余以有病獨留偶讀香山詩輒  
效其體

欲去將何去難留卻復留身閒無一事心窄有千愁薪  
水都成累兵戈況未休茫茫家國恨不但為悲秋  
子婦移家去孤身此尚羈餘暄寒露後枯坐小樓時但  
說謀安樂徒教感別離賣魚橋畔路應有望雲思

葵青居詩



世亂輕言別情深忍便拋行將去諸弟況又舍新交謂楊  
蕭長物稀疏檢殘書歷亂包但能安筆硯隨地可誅茅  
三遷仍未已猶記出門初母老身還健妻忙意自舒浮  
雲翻手變好夢轉頭虛此意憑誰訴孤燈欲燼餘

小樓

時養病壽門叔平兩弟別業

依人王粲合登樓卻病何須藥石投霜徑苔封如結夏  
晴窗風暖不知秋羲皇高趣隨時領唐宋殘編任意抽  
有興看書無事睡幾忘蟻賊在郊陬

雜憶十絕

避地鄉居於茲三載撫今追昔不無繫戀偶爾

憶及輒系一詩

嗟來咄去究何因投老窮鄉多病身憶得吳宮花草豔  
笙歌隊裏太平人

沐猴不定滿街馳毛髮鬚髻絕可嗤憶得彼都人物盛  
衣冠文武自當時

劫灰飛過石湖祠破瓦頽垣忍見之憶得憑欄貪看月

畫船不惜夜歸遲

祠有白雲舊隱紅蓼白  
蒼村舍好湖山處諸勝

天涯麥飯客心懸保護松楸事渺然憶得橫塘雙槳去

涼秋九月上墳天

弟兄星散各西東路入泉臺死更空憶得年年賀正旦

葵青居詩

四

全家團聚一堂中

予家元旦賀歲長幼拜跪禮甚周至亂後五十餘口死者十之四

羞將隻影對圓輝管甚中秋靜掩扉憶得樓頭同玩月  
夜涼為我起添衣

一文羞澀阮生囊錢癖生來有別腸憶得泉刀三百品

紺青繡入土花香

先君子及諸叔皆好蓄古泉予兄弟繼之吳郡藏皮之富孫氏百一山房

外子家稱最

涼宵燈火漸堪親檢點行裝一字貧憶得良朋快談外

圖書四壁古為鄰

寒家先世藏書於今四代書畫彝器亦具可觀

索書那更叩蓬門小印飛鴻雪裏痕憶得石交深密處

筆牀茶竈共晨昏

子好蓄印石重以先君子舊藏不下數百品

平生玩物付浮塵此日真成物外身憶得匏尊好雕琢

巢高士外更何人

巢端明名鳴盛明季孝廉國變後村門不出善製匏日用器皿一以匏為

之子亦喜是更製為珮環大小以百計勒銘刻畫各盡其致

重陽偶興簡楊薪圃

引傳

黃花羞上老人頭眼底重陽又晚秋恰好詩豪投傑句

薪圃過談話

且將酒力束多愁風波已過驚初定

別并惠二律

月來警信夢起是粥飯能來飽便休明月半窗人影寂

日又掠數十家

夢魂只與鶴同游

越日用前韻

弈棊要待局終頭病骨支離尙耐秋喜拾殘書因遣睡

偶吟小句只言愁世情嚼蠟淡堪厭家計搬薑忙未休

二十年前塵夢繫鵝湖舊地忍重游王寅夷人之擾先慈嘗遊地於此

鄰姬樂聞予吟詩其翁販鵝鴨為業反前人句成

二絕

書生習氣未全移時有歌聲出短籬底事今宵燈滿炷

鄰家聞說愛哦詩

竹欄一抹傍湖濱月色空濛夜向晨不管吟魂清睡足

偏教鵝鴨鬧比鄰

喜晤毛一雲甥追感珍亭妹夫有作

亂離一為別音問兩茫然明知爾健在不見恆懸懸一

朝入門來握手雜悲歡憐爾幼失恃依父得安便爾父

胡不壽爾身愈孤單栖息在何所巢覆能卵完頗聞論

昏女遇難軀已捐丈夫生有室父母已終天絲蘿當更

結願為擇其賢賢婦固所願多承舅氏憐甥今急營葬

遑問家室安反增兒女累世路方漫漫側身歷艱苦庶

其保歲寒予聞首屢肯甥復起而前舅氏年且老甘旨

乏烹鮮願少益嗜食謹奉錢三千勿為阿甥念甥尚支

粥饘鑿此區區心令我感當年而父我鮑子相知在言

先披誠靄靄雲濟困源源家事無鉅細一力以身肩

重施無一報刻骨難銘鐫何期年少我先我喪窮泉慨

歎語移時日暮下榻焉更深各就寢我心耿不眠

瞥見

晴暉送暖每依依瞥見重雲凍不飛分付西風休作惡  
阿翁十月欠寒衣

喜遇貝无咎

青喬

津橋一別幾經春鬢髮依稀認故人老大無成同氣短  
亂離相遇倍情親行營我已傷無母負罪君方感鮮民  
无咎有負罪餘  
生死亦非之句一盞黃墟聊話舊箇中滋味夢中身

近藁經葉調生丈楊薪圃點定為友人借去友不  
睦於嫂見其吟誦不已以為枕中秘也竊投諸火

友人慙謝追錄戲賦

借書自昔分相通下策何期用火攻豈為金貂欺季子  
反因螭蚌誤漁翁忌名差勝投之廁繕寫還堪寄以筒  
報與諸公應一笑眼前幪釜有遺風

十二月四日雨中聞警

帶水拖泥促早行裙釵此又受奇驚明知數在甯輕死  
爭奈時危其惜生累重當前皆翳障時與吳氏  
女同居途窮觸  
處是榛荆老夫自笑無長策獨坐空齋待事平

追輓貝靜安

毓誠

一死足千古如君能幾人危時爭殉節大義在明倫城陷

諸生多不屈者君獨此卽成仁士誰爲守土臣承平徒  
赴府學縊死明倫堂蘇郡惟撫臣徐署臬臣朱死  
肉食急難早抽身節當事諸紳士亦未有死者  
弱歲同游洋浮沉四十年文章亦儕輩節義竟高賢析  
理胸先熟臨危志益堅他時哀逸史姓氏定先傳

除夕

一年歷盡總間關一夕愁情且暫刪但得生存終是福  
極無聊賴卻多閒險途敢信羊腸盡隔歲方營馬鬣還  
事在心頭難譬解忍言子婦共承顏

題无咎近藁

劫餘詩境苦一讀一沾襟徐庶爲親屈謝公憐女深形

單少歡趣老至只悲吟不歷艱難況誰能諒爾心

初至申江

困極不知計且向滬上游滬上誠樂土驕溢滋我憂  
冠不餓死紉袴甯與儔所喜親朋輩流寓此焉鳩聞我  
翩然至相顧意綢繆至戚悅情話詩友恣討揆茗談一  
以暢重上酒家樓孤鳥飛冥冥藉得一枝投回視樊籠  
內飲啄庶無尤憶自遭喪亂忽忽經幾秋今茲重相聚  
頃刻腸千周此間樂莫樂我心愁更愁舉目河山異焉  
敢效楚囚戮力獎王室斯語誰其酬

敗筆

如人毛髮漸疏疏一管霜毫半折餘幾度欲拋拋不忍  
亂離三載慣隨余

无咎應保定劉制軍之聘將由海道北上有詩留  
別次韻奉酬

昨歲相逢面如土屢訪庭闈迷處所執手漫作寬慰詞  
无咎之過竟難補今春黃浦同挂席忽忽又作乘槎客  
欲行不行重次且棘人心事我能白海天浩渺道路長  
慎勿回顧生悲涼收之桑榆會有日先期附鳳鳴朝陽

越日无咎用前韻酬答見和諸同人余更賦此

憶昔承平在鄉土杯酒同街問幾所神交瞥眼三十年

朋儻反從亂離補夜眠聯牀晝接席延訓宗英忝上客  
盛氣消磨一片墮多君兩眼分青白別意尊前誰短長  
附書弟妹語淒涼旅魂十載猶記取飛夢隨君到保陽

呈葉調生丈即題近藁

詩料重經掇拾來天將厄運鍊奇才人間何物科名重  
海國於今壇坫推江浙名宿羣集滬上文獻無徵留碩

果江山有恨感飛灰時清待奏昇平頌一變歌聲徵角  
哀昇平猶望觀餘年集中句也

旅舍高軒幾度過稀齡豈遂意蹉跎煙雲供養年來減  
文字因緣客裏多猥誦新詞方愧甚拙作蒙采入重提

舊話奈愁何兩姻契好嘗隨侍早歲光陰付逝波

哭壽門從弟

去年風日絢清秋猶記聯牀話小樓惜別竟成長別恨  
一江春水淚同流

故園蕩盡等無家我更飄零似落花聞道彌留猶念我  
暮年隻影莽天涯

立夏寓館獨酌

淡日晝陰陰空齋酒獨斟幾無容我地反有送春心薦  
筍自前席落花非故林何時翦荆棘歸去小園尋

題家書後

書斷愁無奈書來卻又愁江湖長還落問爾幾時休

贈劉辰孫

禧延

故鄉蹤跡隔城闌客裏交情日益親別有酸醜非是癖  
兩無芥蒂不嫌真生涯同作重磨鐵宿學爭推老斲輪  
卷帙叢叢朱墨滿蕪詞也受剪裁新

雙烈哀詞

雙烈者予弟禮賢繼妻沈禮儉妻屠也二婦異  
宅居為娣姒無一面宅後並鄰珠明寺廢圃庚  
申之變城既陷穴牆匿焉既相見矢以同死無  
何賊至將牽屠去屠以死拒沈早寡聞嗣子被

擄至是並投池死沈故自爲櫬寄寺廡倉卒間  
同棺殮焉時四月十四日也是冬弟禮運脫自  
賊中得其詳壬戌夏購其柩出城買地以葬請  
旌如例作歌述之

娣姒同棺世所無娣姒一節眾所孚我家有是敢不大  
聲而疾呼一解婦曰沈夫早隕夫無子死固審子以姪  
且復忍買地葬夫分亦盡二解屠性好潔嘉耦一轍同  
氣方蘭和光並雪三解天何爲而櫬槍人何爲而鯢鯨  
何五百年之劫運不辰逮於我生何楚氛之甚惡數千  
里蔓延而殃及於吳城恨奮飛之無翼適並顯其堅貞

四解妾身并一死妾心猶未了沈曰我子屠曰我夫存

亡兩兩其未曉排牆投寺圃潛身翳叢篠飢來掬水飲  
知此有池沼五解方旁皇其有待兮倏飛語之傳聞聞

驅若之愛子兮聞係若之夫君猛呼搶其欲絕兮賊之  
至者紛紛六解屠之性彌潔屠之志尤烈賊前牽衣衣

可牽身不可失許以不死死轉疾有女在抱擲階側躍  
身池中完其節賊心銜之抵以竹竿更亂流而摧折七

解屠方沒池西沈復沈池東有子不克保夫後將終窮  
異日妾身更誰從妾之心波瀾誓不起有如此水與之  
爲始終八解賊棄而去乃出之池一剎那間闖然兩屍



穆姜之攬由自作乾昔之棺如大爲並以殮之一節同  
歸九解吁嗟平生未謀面娣姒亦何有臨難一以死相  
守同穴之約格於義而負安以新阡應樂受大節當  
旌我以首表於其阡待有後作此歌以告哀世世子孫  
視是兩烈婦

宮怨

無分昭陽殿裏游長門深鎖幾經秋盛顏不省修眉樣  
寥落行宮況白頭  
芳春久斷綺羅香薄命紅顏黯自傷不道殿頭新女伴  
還將鴛鴦錦乞裁量

懷陸稚松

沉時將需次浙中

時艱只合入山深抗作塵容豈素心出處自來憐小草  
東西此去感飛禽離情欲共琴絃語鄉夢還憑畫稿尋  
子每夢至家園見母妻  
俱在欲乞作紀夢圖聞說秋期行尚遠蓬門望爾駕  
常臨

題墨牡丹

衝破東風耐曉寒露痕攙入墨痕乾莫言國色多情甚  
要作人問鐵面看

七悼

言有管城子中書書是中當其疾揮時憑之爲操縱功

葵青居詩

哭

成爾以名力盡我無用 退筆

騏驥遇伯樂一日馳千里馬齒日已長所戀棧豆耳多

謝遠游人猶以識途視 老馬

古硯端溪產一跌成懊惱雖云質性良既破不完好寄

語懷材者守身以為寶 斷硯

高山復流水識曲知其心未聞古所傳伯牙有名琴破

碎何足惜惜無真賞音 碎琴

一劍三十年佩帶常在身咄哉化龍去誰是肝膽親求

之不可得獨立延平津 故劍

凡材必有用生乃作車輪東西無停轍壞敗摧為薪榮

枯同歸盡坎壤終其身 勞薪

鎮日銅樊籠毛羽困不振左庖而右厠百垢無一淨仙

禽本孤高不病亦善病 病鶴

無蚊

夏清房櫳夜易過空庭卻坐幾婆娑始知徑草叢叢裏

最是么膺聚處多

七閩

團扇當秋風興歌寫哀思萬物蕩劫塵貴賤無異致始

知篋笥中猶是未終棄 棄扇

旅人羣號咷爰止誰家屋屋窄不能容荒荒集古木巢

覆卵僅完閱斯猶勤育覆巢

凡物具靈性爾胡以拙名既乏竊脂術遑論反舌聲飢

來不得食呼婦空哀鳴拙鳩

天際鴻冥冥一行一匹儔雄者遭罹網雌者于何投哀

哀中夜鳴誰與稻梁謀孤雁

明鏡藏寶匣百結同心縷一破不復圓雖圓奚足數入

市日購求樂昌恨難補破鏡

弱質弄嬌姿窈窕無其偶臨風慣送迎攀折落誰手可

憐章臺旁半是漢宮柳敗柳

爾性一何貪爾狀一何癡以癡濟其貪營營無已時早

晚西風起凍死知不知癡蠅

題畫

宋人詞意圖序伯爲子女夫林少初作少初久

沒序伯亦前卒近林氏以贈其妹夫陳壽篔二

人皆程門畫弟子也十如老人有跋敘其始末

予亦感賦得五絕

莫言圖畫是雲煙歷劫居然幸瓦全展卷更宜袍笏賀

禮羅喜得主人賢

詞人妙句文人畫猶記鄉園把玩時別有傷心今再見

松圓禿盡鶴歸遲

舊時玉潤飲香名碎我冰心愧獨清多謝十如闡幽意  
寄懷煙墨見平生

風光轉瞬又秋陰夢裏家山畫裏尋可惜林亭蘿月上

興來空響阮瞻琴

壽篋未及見少初

後先立雪認門風沉瀼原來一氣通我比倉舒無片紙

重吟醉墨感坡翁

序伯詒予畫十數種亂後皆失之

### 喜涑兒至滬

六月棲棲心膽寒一山迢遞千山看家家來此鶻出籠  
而我眷屬刀劍端空庭無樹赤雲熾一葉墮前爾忽至  
十旬積憂一晌消不須秉燭如夢寐

### 得甫里楊新圃書卻寄

盛名衆著易傳訛似爾清才世豈多應許吳中追北郭  
漫驚海外喪東坡來書猥辱加餐勸問字還期載酒過  
大將旌旗正西向知君準備作饒歌

安巢重占最高枝風雨猶懷欲覆時神與扶持憑賊斫

薪圃有賊斫不死小印

人能散誕卽天隨三生有恨同搖落半載

無多惜別離只隔吳淞衣帶水芙蓉何處寄相思

### 感方珪姪之亡有作

汝年未弱冠能知葬其祖葬祖甫暮年汝身亦黃土憶  
汝在家時自幼失恃怙隻身多疾病重闡意辛苦遭亂

不能逃外家爲作所榮焉一脈傳彼蒼竟不祐有人前  
致詞謂天甚可疑昭昭既古昔夢夢豈今茲若者當殄  
戮若者當扶持何不別善惡而乃顛倒爲我謂惟顛倒  
所以號亂時果其彰燿明一一無錯差反幸開大劫因  
亂而一治惟天不可恃報應非所知惟人不可僞職分  
毋或虧盜跖已考終伯道卒無兒放眼看千載成例本  
如斯不然汝而天曷解我心悲

讀調生先生岑苔詩錄題後

照來明鏡不知疲想見吟窗選取時七十老人無別事  
出門訪友入鈔詩

慣作津梁老不疲寒家父子廁名時祖庭彌自增懷想

清素堂中九卷詩

先祖刻稿亂後曾見之  
錫山華氏擬往抄錄

夜間豐樂園演劇

夢裏如聞仙樂聲人間好事月三更登場定唱無愁曲  
避地疑來不夜城白骨霜寒莽鼯穴紅燈風煖沸鸞笙  
那知墨子回車意祇爲朝歌疾此名

四素場

滬城北門外皆屬夷場今春與无咎同臨茲土  
河山旣異風景更殊觸斯新愁有懷古訓无咎  
謂可名以四素場噫喪亂以來失其素者多矣

爰作此自警

少歲讀中庸疑義有未申富貴與貧賤對待故並陳何  
爲有患難彼蒼豈不仁何爲有夷狄反舍中國民四義  
森然列毋乃語不倫暮年來海上斯言良有因林林億  
萬輩一一現在身如彼恆河沙不出六道輪譎訓數千  
載徵信在茲辰富貴非吾分夷狄非吾親惟貧賤患難  
守舊而得新我行我之素怨尤庶其泯否者願乎外豈  
曰讀書人

秦稚梅以先德淮海有睡足寮益以小字更名其  
居繪圖以索題

一卧也存追遠思梅花紙帳幾棲遲蒙頭腹藁知先屬  
睡起還鈔述祖詩

警枕方傳大將營幽人高卧自柴荆叩關偏欲呼君起  
拭目同看洗甲兵

八月初十日夜坐月

庭窄不容月開窗偶見之憐余久飄泊似爾亦分離今  
夕重相對何人慰所思從來盈則蝕惜此未圓時

秋日雜興

放懷歌哭兩無端已自牢愁又自寬慣使熱腸輸菊淡  
因羞冷面耐梅酸江山有恨催年老天地何心戒歲寒

葵青居詩

差解苑枯消息理頭顱落得一儒冠  
草間活計葛藤牽痛定還思負痛年百代宗祊危若髮  
半生服物蕩如烟兜羅世界千重障磨墨光陰一握天  
游到海門空濶處會看雷雨奮淵泉  
一色旌旗出海陬臨淮威畧果無儔合兵舊部徵回紇  
縛賊前軍向蔡州騎虎自來戒中下啓鴻幾處怨長流  
倒縣困苦崇朝解 天語煌煌望早酬  
居似長安究不同最難文字姓名通市兒出勝鮮卑語  
海客居奇舳舻風百族聲情三爵後萬家煙火一枰中  
米珠薪桂何由辦齏菜酸寒只浦東

步屣隨風偶出游眼中華屋本山邱凋殘舊雨尋今雨  
費盡人謀假鬼謀墳墓早應說思蜀樓臺可是讖還劉  
拾遺記吳王起環榴臺有諫者云今吳蜀爭雄還劉之名將爲妖矣海濱寸寸皆王土何  
日金甌一例收

烏衣門巷舊知名此日星霜燕亦驚六國賂秦兒女累  
三家分晉弟兄情衰齡免死庸非福貧士謀生總不成  
說與汝曹應警覺窮途骨格要高撐  
窮鄉兀自煽餘威儘有遺黎失所依如我池魚方脫釣  
幾人海鳥亦忘機閒中歲月仍多難夢裏家園也算歸  
只恨不留慈母線拋殘織素更無衣

三烈哀詞  
阿母孔氏六十一有女過笄未有匹一女適張夫短折  
孤苦仍依阿母膝庚申之變當四月城外火起不肯滅  
阿翁依人作生活年老步艱復多疾城門一閉音問絕  
家無男子計安出延至十日果見賊持刀而來括財物  
母女相顧無顏色計惟一死完貞潔庭前有井水清冽  
從容先驅二女入阿母奮身倍勇決一霎時間三命畢  
是時族中皆蕩析阿翁鄉居亦病卒誰向兵塵訪消息  
大節幾隨草埋沒今夏有人爲予述悔之三載始昭雪  
其人裁衣素熟習當時設肆其門側身親見之無錯忒

且言四月十三日族屬流離正難詰聞彼之言悉顛末  
既訖還幸終悲惻逝欲入城收遺骨叢叢猶是虎狼窟  
烏能穿井憑發掘節屬請旌我之職與同曾祖我母姪  
鄉曾作歌表雙烈今茲者三更慘戚世亂閨闈不忍說  
嗚呼我宗多奇節

有懷清嘉坊故宅

釣游那忍忘從前老屋同居六世延遭亂自傷剛四月  
于今不見已三年但餘皋伯廡堪賃聞說康成宅尙全  
何日城狐都掃盡修予牆屋賦言旋

奉呈葉調生丈用少陵呈韋左丞韻



人生無臭味落寞終其身幸託忘年契豈在戚朱陳翳  
昔處鄉里常忝座上賓談今示之掌論古會以神每當  
得意處恨不朝夕親輞川時招迪元九願卜鄰所惜城  
闔隔一水上下津昊天胡鞠凶薄俗太不醜遂使妖氛  
煽吳地盡沉淪蹤跡一契闊會面在今春勞公早枉駕  
迨予未洗塵松姿古彌健桂性老愈辛三載歎躄屈相  
對氣一伸引我恣流覽如魚縱游鱗快談忘禮數情至  
惟率真偶爾呈小句刪削手墨新閱予學謫陋餘糧時  
餽貧三日不得見舉足逆相踐關心到肥瘠詎比越與  
秦補前之不足乃在申江濱申江雖云樂不願作波臣

願與故淵去忘機擾且馴

題楊實甫濯足圖

那堪濁世與沉浮赤足平臨萬里流安步踏來乾淨土  
從今結襪事清游

盼到江流澈底清知君定自解塵纓何人便挽滄浪水

先爲東南洗甲兵

喜聞官軍克復蘇州以青春作伴好還鄉爲韻得

詩七首

窮陰返寒谷春回草不青狐鼠踞城社奄忽三載經嗟  
哉甌塞外到處成羶腥自顧已老醜恐作化鶴丁

葵青居詩

癸

王師誠時雨一怒走雷霆杲昊紅日出魑魅無潛形始  
知建國計价人維藩屏  
蘇州大藩地繁庶世無倫賤子本吳產搵泪請具陳  
峩峩閭門道濟濟虎阜濱鬱鬱園林屋皎皎綺羅人當其  
全盛日歡樂秋復春驕淫之所積劫至盡成塵磨折亦  
云久否極庶自新天心倘悔禍隻手起沈淪  
東南無堅壁海隅猶完郭古有一成旅崛起土重拓昔  
沒賊中時日夕冀振作誰知雲霓望此意竟蕭索擁兵  
不知戰民命殊隔膜有急叩花門其餘無謀畧讜言更  
忘聞圖畫最心樂專闔而如斯何日求民莫

今春得聞道始結申江伴其時政一改帷幄裕成算那  
容寇環疆先闢北門管誰兼文武材新尹實忠款先驅  
程將軍智勇世亦罕弁毘奪兩山咽喉斬之斷舟師篙  
楫長步師槍榦短轉戰逼城濠賊命危累卵撫軍自臨  
陣士卒倍勇悍兵氣遏行雲北風爲之煖

捷書夜報來平江已直擣捷書晝報來風箴盡迅掃三  
載鬱沈霾一朝歸完好行人得聞之歡呼聲載道居人  
得聞之衣裳爲顛倒羸者病以蘇斑白忘其老況我故  
土人歌功眞再造

喜極轉生成掩袂泪潜潜記我避亂始堂上猶慈顏山

妻同侍側亦復意閑閑旁逮叔姪輩眷屬各一班死者  
不可作零落乃生還口數五十餘大半辭人寰悲傷勿  
復道忍唱念家山  
勸君且莫悲勸君且莫傷先人敝廬在毀壞猶屋梁冀  
除更修葺明年定還鄉視彼灰燼者幸得反故常況聞  
寬大詔減賦多贏糧當求田數畝吾生終徜徉此間雖  
云樂舉國何若狂臨別贈一言願各記勿忘驕淫天心  
忌毋再召禍殃

冬至前一夜

一歲經三徙先靈克鑿不果隨身到處來享祭時羞病

體況牽制浮蹤更逗留終年虛拜奠子道又焉求  
昔時交亞歲御食列長筵骨肉摧歡會干戈促大年從  
今歸有日終古恨難填妒煞老萊子稀齡猶膝前

追悼貝无咎劉辰孫

禱延

天公何事好猜嫌慧業同時歎聚殲亂世文章餘涕淚  
暮年心計困齋鹽官河忍使游魂滯无咎沒于清河縣  
油坊尚未歸觀  
鬼計誰爲貞疾占辰孫爲誤  
醫藥致死幸有故人輯遺藁茂陵留

待發幽潛

謂葉調  
生先生

書室分咏賦得燈檠字規

一樣燈光照眼前華筵散後渺如煙短檠耐比長檠久

伴我寒宵五十年  
下筆全憑鎮壓功名應在賦形中如何規矩人人曉  
忽地方圓可變通

懷方洛姪蘇州

爾本同根者飄零太不堪在家猶旅客失侶故孤男禦  
侮粗能了思艱究未諳歲終合歸祭我有小茅庵

有感

載塗荆棘觸芒鞋入室還聞百事乖誰委遺骸脫窮袴  
尚攙巨礮卧當階翻新亂鑿今時壁博古空顏舊日齋  
太息先人親手植後庭玉樹已長埋

闕無人處逞強梁不定弧弦是寇張故址已空江令宅  
鄙懷多愧柳家郎竟將俘馘爲臣僕誰爲干戈弔國殤  
昔日驕盈今諄暴鄉風忍復說吳閶

重有感

幾曾五利失和戎折矢營前約誓同葉護原知當下拜  
德昭况請早論功鯨鯢加戮刑何濫鬼蜮貪財誅亦工  
殺賊那堪殺降比區區小信外夷風  
北門管籥重防邊互市駸駸內地連淮蔡幸陰元濟患  
伊川忍見陸渾遷中原有土甯堪賈卧榻何人竟共眠  
差喜疆臣申舊約不教上國染腥羶

感黑鬚有作

自我經喪亂鬚頓變色今冬藥補之白者漸反黑黑  
白無定形髮膚從何得哀哀白頭親一去斷消息  
不解

夢裏曹騰屢見尋堂堂白日幾沉吟此心不解緣何事  
三載含愁直到今

蹉跎

好夢飛來總不圓夜窗兀自擁寒氈興酣鬧酒無前狀  
性愛吟詩已暮年事有大難衣食計談何容易姓名傳  
埋頭誰是書曾讀少壯蹉跎劇可憐

重晤孫則莊周次見贈韻題其大瓠堂詩錄即送  
故鄉戎幕之行

行藏相得互相憐誰引交情石共堅舊友傷心已隔世  
去冬從无他鄉握手又殘年虛懷縹緲雲橫嶺好句空  
咎識則莊靈月印川此去從軍詩早寄吳淞莫滯往來船

書途中所見

路旁遇一人一步復一踏下體袴尚完上體身全赤兩  
臂拳胸旁寒齒鬪格格西風捲之行側身投市宅索我  
舊棉襖悄語如相識問獲幾許錢今日才二百著衣重  
出門健步恣酒食乃知化人城取道裸身國

十二月十九夜夢先君手寫天竹柿子命題成二句苦不能續先君視之一笑醒後足之

天竹垂垂卓一枝輪困柿子半紅時分明俾爾兕觥祝涕淚椿庭恨已遲

歸去

一葉乘潮去申江落日斜帆迴知近港村小自成家入室盤飧具挑燈笑語譁時艱歡會少記已一年賒

村居

終歲牽塵網幽居別有天溪流隨岸折帆影傍門懸鄰圃時鋤蕪村農盡業棉是鄉風景好小住亦前緣

一水環三面水清心亦清送雲隨鳥沒候月共潮生自覺鄉居樂渾忘歲序更劬書餘習在茅屋有吟聲

除夕

三年伏處歎沉淪今夕鬚眉氣始伸晚歲欣逢中興主明朝準作上元人毫枯祭乏詩千首戶小斟餘酒一巡怪道柏枝香愈烈桃符影裏已交春

獨幸草

甲子元旦

提筆重將歲紀論天心意共春溫劈開絕路逢生路殿到中元轉上元

余生之歲為嘉慶癸亥

善頌不須進椒酒幽居

蔡清居詩

空

盡可傲桃源新詩題就渾無事倚杖柴門聽鵲喧

田園雜興

莫道村莊太俗情也知講禮拜柴荆偶來三五衣冠客  
不住門前犬吠聲

鑼鼓喧闐繞陌頭家家兒女縱嬉游似沿故事燒田燭  
云祝今年大有秋  
子婦終年齧菜根阿翁歸去自雞豚恰因齋日安牆角  
嬉笑前來有外孫

老屋城西說尚存一枝且寄浦東村卻看鞭影招搖處  
日夕牛歸自識門

偶出尋春步水隈前村漸放幾枝梅忽逢半畝叢叢竹  
惜不乘涼夏日來

潛消兵氣卜年登入市何愁米價增歸去兒童齊踴躍  
甘錢買得狀元燈

故園

指日遷喬有早鶯羈人頓起故園情百金買宅縱無藉  
三月聚糧應早營病骨幾時增矍鑠詩心此後入和平  
何當倚棹春風裏一曲吳趨句載賡

和貝柳郊新春寫懷韻

風光又展一年新整頓圖書四座春可教重來呼孺子

得歸知免作流民最憐飢鳥爬殘雪行見鳴鳶蕩劫塵  
未易昇平能再覩與君共保歲寒身

編次舊彙拈此自嘲

本來業此欠精勤漫把妍媸去取分客亦知夫歌古調  
臣之壯也習時文名心不死終為累詩卷長留未易云  
何事一編常在手如今身外總浮雲

買得黃飲魚夫婦舊印感賦

舊是圖書記墨緣閨中風韻最翩翩而今劫火重經後

雙壁依然伉儷聯

夫人李定之慧生為子仙先生女善畫

石交曾與故人投賸有鴻泥爪迹留陽斷高風瓢飲歇

茂陵遺彙向誰求

飲魚有瓢飲居詩稿

懷毛一雲甥淮上

纔經相見便離羣千里書來反怕聞淮水春生迷別浦  
江天日暮斷歸雲病餘衰態應憐我亂後孤蹤最憶君  
何事征途行不得梓鄉近已息兵氛

觀燈

軼蕩千門處處通紅燈照徹路西東何緣夜市爭裝點

暗裏如酬保障功

滬城城隍神誕辰三月二十八日市門例張燈三夜東西數百家亂後久

輟今歲重舉

阿翁鬧市嬾逢迎也向街前逐隊行不道連年烽火後

葵詩話詩



風光彷彿覩昇平

萬家繒綵挂晶毬曾記閨門縱夜游眼底忽增心底感  
嬉春何日是蘇州

送春日得薪圃甫里書兼示近作酬贈

空齋寂靜掩蒼苔誰共看花酌酒杯孤客與隨春雨盡  
故人書逐暮潮來怕言舊夢如雲散喜見新詩似錦裁  
我亦吟髭常撚斷幾時翦燭與敲推

讀韋左司集有感

沖淡中餘愷惻情詩人出守著賢聲何緣唐代書遺傳  
幾見蘇州郡作名財賦素強豈科斂流亡已愧況刀兵

絕憐虎阜新祠闢一例荒煙蕩盡平

喜聞官軍克復常州

窮寇何愁逼境邊前軍轉戰竟摧堅石頭圍急千營合  
鐵甕城高一氣連北上重開馳驛路南來應見渡江船  
故鄉歸去今安枕可有當年萬竈煙

題扇頭桂花野菊秋海棠

登仙無分桂宮游又異陶家隱逸儔偏是叢叢斷腸草  
撩人心緒又涼秋

吳菡青

恩熙

以五古四十韻見贈酬以律句即題

其近作

富貴無緣早致身一編難裏最相親  
通才自古皆詩客名父原來是善人  
劫外風光都夢幻眼前歌哭總天真  
慚予老醜稱同調過譽還云品學純

詞後  
洞庭朱子鶴以姬人死事狀乞題卽書其和漱玉

巾幗能將大節完拚教弱質冒刀端  
和成漱玉身完璧愧煞當年李易安

指點樓頭橐尙存依然萬竹護重門  
累他夫壻增惆悵縹緲峰前縹緲魂

歸舟

竟有還鄉日揚帆喜氣盈田園迎舊主  
兵火話來程殘壘指猶在故山看漸明  
無多家具載一葉覺舟輕獨有傷心處  
臨歧結不開江湖平復起泉路去難回  
望遠孤雲盡鳴空斷雁哀旅魂何處所  
今夕夢中來

到家

望望婁關近盤紆路幾巡重經乾淨土  
久作亂離人井邑平於壙軒窗蕩若塵  
糞除廂半壁草草且安身誰滋他族逼  
吾反畏吾廬燕壘拋荒後蜂房錯處餘  
有懷惟慨歎無力與修除漫說菟裘築  
桑榆暮景舒

省墓

庚子居詩

奎

憶自去墳墓幾疑無子孫竟成不毛地尚有未歸魂周  
視情何限回思淚欲吞荒祠石湖畔一例沒苔痕  
舊是家居日宗親氣誼聯百年同浩劫一別半窮泉土  
卽無田祭鬼應求食憐還當收骨去封樹安長眠

偶步

名園斫盡後凋松窮巷荆榛處處封側足陡驚橋欲折  
轉頭時與塔相逢暖空雲暝渾疑暮捲地風高不爲冬  
若箇繁華猶在眼紅燈飲興酒樓濃

冬窗雜感

不與月爲緣更無梅作伴夜坐已無聊一燈況孤館

心花開落盡生意歎婆娑只有相思樹年年不改柯  
瓊瑤原貴品寶氣現遙山瓦礫成何用石頑無此頑  
詩書原可讀燈火好相親雛鳳誰家子聲聲在隔鄰  
我懷萬石君孝謹一門重倘非子孫賢不食又何用  
不作稻粱謀不成天際字冬至慮冰霜戲鴻祇自戲  
食盡神仙字不作神仙去回看附驥蠅蟬魚無乃誤  
靈光殿已圯陋室德何馨我讀眉山記傷心族譜亭

和貝柳郊乙丑元旦韻

聲聲爆竹攬高眠知是城鄉各一天珍重衣冠拱歲首  
艱難柴米備殘年客來未免增茶竈子長還須祝硯田

我亦成翁獨惆悵諸孫羅列讓君先

題扇頭畫

閒雲飛盡暮禽還一碧平蕪杳靄間何事高原常獨立  
隔江貪看六朝山

管谷香

蘭滋

歸自餘東卜居近里屬以近橐見示

率酬二絕

急劫催成變徵聲如君詞旨總和平詩壇好似符離戰  
鍊得魏公心學成  
磨鐵生涯舊等倫而今近局快相親百花西里翱翔去  
勝隔長橋上下津

讀谷香詩有感摘句作倒捲珠簾體

老去猶非自在身感人詩句最情真青羶我亦窮酸客  
枯坐寒窗四十春  
偶思風日步芳辰老去猶非自在身亦有園林未消歇  
鶯花斷盡不知春  
豈但錢財歷苦辛齋居也自費精神踢翻醋甕磨穿硯  
老去猶非自在身

自題畫冊

頑青鈍碧故無情融入愁腸善寫生讀向秋燈人影寂  
蟲聲唧唧伴殘更

一腔心事畫圖知寄與同人好索詩未得無情懷舊雨  
墓門宿草已多時

余舊時畫冊同叔丈序伯飲魚  
研孫輒有題句今皆物故久矣

輓顧軼材

世駿

皇靈無私庇塵劫有餘灰嗟哉我顧子中道忽摧頽記  
我初識君乃在曲江隈人品故醅茂文字更偉奇十載  
聞名久一朝接容儀眾中益皎齷齪實所嗤談論無  
深夜忘卻離鄉懷如書味不厭如酒彌清醅始悔里閭  
中落落識君遲爾來一濶別故土重攀追蹤迹問何若  
不卽亦不離卽時無多語別後則相思相思日以長世  
事多差池寇氛何烈烈鬼怪何諄諄逃威各奔竄兩兩

不相知聞說天隨宅眷屬此暫羈及我移家到一舸又  
他之卻後在滬上相見重相持君悲失喬蔭我痛折萱  
枝哭罷敘離別艱苦拙言詞威弧一以振還鄉皆有期  
清嘉與百花咫尺路不歧暇輒就君館談論無還時方  
謂歲月長何意遽紛披良辰不再覲長夜闕泉臺俯念  
舊時交大半歸塵埃新知二三子與君皆岑苔瘦羊及  
漁隱各各負奇才相見不復懽把臂但銜哀松交重凋  
折君六世祖松交先生諱子  
咸爲國初第一清官秀野盡草萊俠君先生君  
五世祖也  
如子而不壽誰能天理推豈爲從游眾屢照明鏡疲君  
年少於我學殖可大恢一夕歸山邱我老復奚爲吁嗟

勿復道且作哭君詩

自題定思排律兼酬管谷香雷甘杞沒潘磨生鍾

瑞和作

回身思痛痛何如弄墨虛窗落日餘大劫幾經化猿鶴  
閒情那比寫禽魚五言八韻成何體萬苦千辛詎足書  
怪道詩翁資一喙文人習氣未全除排律摘前人難中  
句為之調生先生

些為不合體裁

自將遊戲寫悲傷唱和連篇豈敢望多謝瓊瑤俱我報  
轉慚糠粃向人揚湖山意氣愁邊盡文字因緣亂後償  
一輩餘年須愛惜桑榆晚景好排場

借姚子鳳生孟起訪得陸硯北先生柩感賦

感極翻成喜荒郊舉耜初叢棺遍黃土兩字見金書已  
分歸塵海何期寄莽墟今朝我輩到冥鑒定何如

冊載追從久多公折輩行公於余為姑丈人行心知真固結戚誼

反尋常豈可人無品方知字亦香柩被賊中叢葬鄉人  
知為寫大字先生因

誌其生徒遺澤在待卜葬高岡擬向及門集資歸葬  
先塋鳳生實主其事

歲暮雜感

貧士生涯下士流劫灰飛盡此身留殘年風雪愁為伴  
壯歲功名命與仇不值一錢何足算偶懷半刺向誰投  
掉頭誓戢蓬門影只恐飢來似野鷗

蔡清居詩

完

任是癡聾也怒嗔家翁但少詈申申此時飢鳥爭來食  
在昔妖狐善媚人毀室毒先施孺子纓冠誤又及鄉鄰  
十年曾向高枝挂變相還留未了因  
芹水吹來陣陣香偶歡樂處亦悲涼  
鼠慣搬薑枉自忙不信煙霞成痼癖大都游戲當文章  
一庭若使皆瓊樹眾手樓臺未可量  
何處橫塘問妾家垂楊禿盡日西斜誰教蠻觸爭蝸角  
從此華夷錯犬牙老鶴庭前空徙倚亂鴉檐際雜喧嘩  
金吾放夜尋常事不管閒門付落花

紀葬

去冬欲營葬百事多勾留及今不急務我老益滋憂  
勉事茲役風雪蕩一舟大棺與小榘四出紛追求分派  
自高祖初本骨肉儔生時同休戚死忍付沈浮雖非封  
之崇取足正首邱族屬例祭掃狐搢庶無尤所傷無子  
嗣墓下親奠酬誓欲爲似續丁單莫可籌興言一念此  
歸路愁復愁

和磨生除夕同谷香過訪原韻

看忙忙未了

趙凡夫以除夕至山塘謂爲看忙

二客獨蕭閒我輩交如

水誰家債若山片時雲易散生性石同頑直欲呼之起  
詩心爲破慳

過慕園弔董幼琴 世帷

堂堂白日巷無人一道街衢盡棘榛  
略有門牆尋舊徑絕無庭院貯殘春  
石橋斷處池猶綠粉壁頽邊草又新  
便道廢興歸大數未應遺骨盡浮塵

阜萊垂垂蔭滿庭與君曾此采芳馨  
國殤甯料逮耆艾地主何從覓影形  
華屋雖存已堪慟草堂盡覆更無靈  
焚黃他日兒歸後賸有衣冠勒墓銘

送窮圖

韓子有文號送窮窮鬼有五不數兩手之空空  
今之送窮乃逐貧古有是賦出之漢揚雄貧既逐  
兮財運通錢

萬緡粟千鍾輕裘肥馬公然富家翁  
妻孥一室樂融融頭銜未墜塚更想  
膺榮封人生欲念何時充吁嗟乎世間  
安有驅賤說與此文賦屹然峙三峰

郊行

羅鞋斷盡踏青蹤飢鳥驚人草際衝  
穴土漸深空若谷危牆欲覆側如峰  
已無酒市三杯享井乏茶亭一盞供  
曾記河塘春水暖畫船簫鼓往來逢

街頭謀食諸名色每持一器以聲之  
擇其雅馴可入歌謠者各系一詩凡八首

引孩兒

賣餅者所擊小鑼



庭階箇箇樂含飴放學歸來逐隊嬉底事紅鞋快奔去  
門前爲有引孩兒

喚嬌娘

賣閨中雜物持以搖者

綠窗檢點女兒箱絲線斷絨鍼斷錠繡罷鴛鴦方卻坐  
慢聲遠遠喚嬌娘

催飢

狀似小木柳賣點心者所擊

亂如寒柝中宵擊靜似木魚朝課時纔是午牌人飽飯  
一肩熟食又催飢

廚房曉

似銅鈺而薄且小賣麻油者所擊

提壺小滴清香繞蔬菜盤中未應少肉食朱門正擊肥

人來曾否廚房曉

虎撐

外圓中空范鐵爲之相傳孫真人遺製以撐虎口探手於喉出刺骨者

一幅白帘標姓名一團圓相搖且行活人那有好身手  
毒口偏能爲虎撐

報君知

狀若廚房曉盲者敲之爲算命

未能彈唱作盲詞比是三絃手自持聞說君家要推命  
聲聲先與報君知

驚閨

磨鏡磨剪刀者委銅片四五裏以作聲

豈緣明鏡影全迷豈爲剪刀慵取攜夫婿將歸衣未辦  
暮寒那得不驚閨

對君坐 行則搖止則坐修脚者所持器

足趺難行行若跛謀生賤業到來夥手持寸鐵爾何人  
一座公然對君坐

哭毛一雲甥

天心畢竟尙夢夢如爾孤存又早終九土可曾隨怙恃

一衿便欲當窮通 甥以去秋小試不利抑鬱致疾須知血脈生全賴無

奈書香死并空幸是先期歸半月招魂免我悵臨風 去冬

重至淮上到家已疾革

和潘磨生夏蟲四詠

趨炎未有不焚身皎皎燈前併命辰移得此心赴君父

玉關西去更何人 蛾

一生最好附腥羶不住營營在眼前幾陣西風吹戶牖

癡兒終有凍僵天 蠅

草根流影到窗虛小扇兜來夜讀初一點靈光明復暗

紗囊照得幾行書 螢

疏槐古柳綠陰移嘒嘒鳴聲夕照時便是露多飛不進

占身也在最高枝 蟬

意有未盡續得二絕

一鍼流毒痛中腸趁著炎威任底狂畢竟蜜官等花賊

樓臺一寸漫稱王 蜂

葵青居詩 三

漫向泥塗覓賞音  
壞牆缺處笛聲尋  
此身雖屈何曾屈  
一滴清泉識苦心

蚓

腰患陡發常日奄卧朋舊問疾者踵至生徒在侍  
有過於弟子職者作長句報之

疾隨老至復何辭  
鎮日牀頭一枕支  
恕我折腰當送客  
虧他便腹不嘲師  
奇方豈有消憂法  
好境惟存入夢時  
爲感殷勤諸子意  
莫言痛癢自家知

詠夷榻

架鐵爲身足設機關可轉之行茵厚而鬆著臂  
處窪下兩股帖然病中坦卧甚適

如軒如輕復衡平  
下榻還堪緩緩行  
皴若雞皮偏軟美  
瘦於鶴骨足支撐  
先生高枕林泉福  
老子胡牀風月情  
最是安舒攤手足  
衰翁病體賴加輕

題茹冰紡雪圖

茹冰冰亦飽紡雪  
雪爲溫九歲孤兒苦  
千秋阿母恩回  
春風入座寫影月  
當門超出兵塵外  
長宜守子孫

圖失而復得

自題畫蘭

瓊姿也合在瑤臺  
仙珮誰教入室來  
好與此花同寫影  
月窗移到一枝梅

眼底繁華鬪豔妝名園競說好春光那知空谷深深處  
盡日無人花自芳  
好夢分明說國香初心擷取冠羣芳可堪騷士秋吟日  
已動美人遲暮傷  
欲采芳馨願已違南陔失蔭舊春暉蘭肴潔養知難補  
忍誦亡詩東廣微  
殘春香影散風簾斷卻蘭因別恨添猶記纖纖花一朵  
畫中人向手中拈亡婦鮑有采蘭小影  
移得芳叢傍小欄欣言一室足清歡年來百事無風味  
只愛心言臭似蘭

敷榮蕭艾豈同論秀骨森森在寸根玉樹庭前應並植  
誰家偏讓莠當門

花影因緣憶昔初寫來喜氣復如何秋風大是無情物  
錯認當門欲並鋤

貝子木半行盒詩存刻成率題律句並簡調生丈  
滬上

此才豈料老儒冠旅食天涯到蓋棺好句都從愁裏得  
名山慣向客中看一編厄運何妨再千古詩名定不刊  
善本留真徧傳播交情最是石林難子木遇亂重失其稿賴調丈錄有真本付刊

題夢劉圖

故友王韞齋汝玉夢為劉貢父後身越明年韞

齋沒其弟子劉泖生為繪是圖題詠殆遍以予

與其師舊交特留末幅索題前一夕予適夢見

韞齋天下無因而有果者此耶抑其待予題者

卽因耶爰衍成律句

夢奇因紀夢我夢亦奇緣落月魂初返清朝畫至前良

朋原不死弟子自多賢瀆川徐賦秋亦韞齋高弟避難

瀆上攜其遺稿以出子因得遍留得題詩地如將後果圓

題劉泖生莎廳課經圖

劉向傳經經分部劉幾墨莊可指數劉畫愛學亦知名

君之先人繩其武衛齋教子富遺經一燈汗簡光同青

作圖致慨溯年少夢回彷彿猶莎廳一編貽我新駢體

宋豔班香古人比文翰莫非經之腴卽此淵源想穀似

題徐彬甫耕讀遺照

徐陵生性愛文章水郭雲鄉舊隱藏最好閒情課耕讀

誰知小影閱滄桑克家有子能為守亂世多財非不祥

若使隻身與塵劫一門劍佩共鳴鏘君家永昌庚申之

官兵聲勢相倚

凍兒赴試金陵詩以戒行

回首名場卅六年呼兒重上秣陵船江山歷劫仍無恙  
文字知音各有緣不爲悲秋吾亦老敢言好夢爾能圓  
誰家父子連翩去垂白還希蠹化仙歸安戴列卿年二  
十尊甫陽谷六十  
同赴浙試余父子相去亦四  
十年自京兆試後久絕迹矣

憶秦淮舊游疊前韻

高興猶懷壯盛年秦淮頻泛渡江船板橋踏月柳邊影  
水閣尋詩茶裏緣客思每偕秋燕語夢痕不共浪花圓  
石頭路滑能前導安得筇枝健似仙

八月十五夜有懷凍兒白下倒用前韻

大羅果否會羣仙一望長空月正圓桂子秋風誰得意

槐似春夢我無緣也曾挾策燒高燭從此臨江盼遠船

一椀南樓思子念遺詩忍復話當年甲午科先君有中  
秋與內子南樓坐

月有懷兩  
兒白下詩

自題六十七歲小影

冒寒鶴立認何人豈是清修夙有因頑石偶然參色相  
梅花香裏著吟身

舊時萊蕪感孤根今日家園芥有孫看取畫圖便嬉笑

蒼顏似識阿翁尊余四十一始得子襄孫  
以今年七月七日生

堂堂白日半蹉跎莫道流光一刹那花甲未周溯家世

論年小子幸加多末二句用  
放翁詩意

葵青居詩

已是珠還又劫灰，追思祖澤一心摧。寫真只自餽牆壁，  
忍說巾箱保護來。先祖遠梅公遺照江浙詩人題詠殆  
遍當時曾失去旋得之邗上劫後不  
堪問矣

前詩既竟意有未盡更成四絕

處世最難享清福，立身須要避浮名。長康蔗境吾何有，

南郭吹竽覩此生。

首二句余舊時楹聯  
製以勸林少初女夫

不爲問柳尋花事，羞作營營逐臭夫。一種情懷非怪僻，

頭銜只合號迂儒。

幾人顛倒衣裳慣，一老綢繆牖戶難。家住清嘉勝清素，

回頭那得不心寒。

首二句用  
石湖詩意

一生受用惟知足，萬事隨緣莫強求。但使兒孫守斯語，

清貧能耐我何憂。

首二句余舊聯  
嘗書以自勵

### 七十述懷

垂老流光類轉輪，詩情卻共歲華新。小名聊紀廿三日，

後唐潞王小字二十三以正  
月是日生也後避二十爲廿重慶曾逢四代辰。

祖父母本生祖  
父母俱在堂不信孱軀能歷劫，本無恆產只宜貧。梅

花破屋還依舊，便是先生杖履春。

功名無分也稱科。

曠典其如老醜何，書卷留存胸次少。親朋散入夢中多，

久經伏櫪身將廢。偶爾臨池手尚和，小隱願爲石湖長。

詞荒何處挂漁蓑

家祠在石湖有好湖山處白雲舊隱諸精舍遭難毀棄

豈是丹成怕作仙升沉局定我生前穹官要具經綸手

素士祇憑翰墨緣卽事多欣雲易散終天有恨石難填

附身附椁都無著偏夢麻衣伏道邊

先慈於庚申六月沒於鄉越歲間道

歸葬諸事荒率

兩代詩名一瓣香

先祖遠梅公清素堂集刻於嘉慶紀元板今毀棄先考藹士公聽雨樓稿

尚木

傳家況復訓詞長

高祖恂齋公著有過淫敦孝篇傳家寶訓兩書行世前一種今

重刊

克稱肖子談何易得抱童孫願亦償秋圃問誰矜晚

節春光猶自戀斜陽徵歌若許投珠玉勝列長筵累十

觴

重九日同雷子甘杞陸子穉松劉子泖生潘子麀

生姚生鄰梅兒子方涑隨侍泛舟石湖

望裏楞伽塔影攢昔游如夢墮荒寒偶從風月佳時到

無復湖山好處看

家祠有好湖山處極臨眺之勝今燬於兵

老屋已隨秋草

沒故人況共曉星殘

謂調生序伯同叔諸丈及飲魚視孫常共眺覽

衰翁何事

空嗚咽客有吹簫恐不歡

撥棹湖心覽素秋同舟多半是名流廣微作畫橐先定

相松許

爲作圖夢得題詩字待搜

謂柳

茶竈筆牀高隱遠波光

月色舊痕留

前修越城橋余題柱聯云碧草半湖青山一面波光萬頃月色三秋今尚存

回

船不紀今朝興水鳥飛來怨白頭

蔡青居詩

堯



秋日偕潘磨生務之弟及兒子方涑泛棹橫塘展  
故友張硯孫墓

此酒可能注便乾回思豪飲一悲酸墓門今日筵虛設  
書舍當時席共安老友何期稱後死同人大半墜前歡  
謂黃丈同叔及其  
小阮飲魚劉視青清波不隔橫塘路倘得年年一度看  
八哀歌并引

黃丈同叔三十載至友也今年亦七十墓木已  
拱一子前卒屆其誕期設酒肴祀之陪以吾師  
朱條生姑夫及其小阮飲魚張子硯孫胞叔農  
生堂叔亮卿鷺洲胞弟芝孫之數人皆當日所

與交好無間者爰仿杜老體作詩侑之其間子  
嗣之有無蓋有不忍明言者故余尤感慨無限

云

同叔世誼丈人行郡中大事吾敢當餘藝篆刻抉天章  
哀哉卒以勞瘁亡吾師氣度波洋洋手提椽筆排天閭  
殿前作賦韻鏗鏘一官埋沒水曹郎飲魚信有不言芳  
科名未就乃退藏伉儷書畫相頡頏硯孫豪氣作作芒  
醉後揮毫詩中狂乃祖名宦祀永康五叔素志樂徜徉  
窘於晚境弗改常無力逃威身被創吾生抱憾何可量  
二叔從師皆老蒼每試挈我觀文場此情此景那敢忘

三叔熱血貫中腸有子幼學痛摧戕老死賊中骨猶香  
芝孫潔身玉比良兄弟二人弗久長眸又無子我心傷

冬筍

芒角露胚胎黃泥擁護來登筵如嚼雪出土不驚雷秋  
晚蕪將盡春初韭暗催經冬裝滿簍縷切佐新醅

風菱

百果快嘗新風菱獨取陳何嫌軀壳老轉愛色香真角  
易摧時斷腰難折後伸檐頭經日曬剖玉俟芳春

古吳謝文翰鐫

